

A-B⁸ 24 A-B⁸ 24

mag

Fig 1, 2, mag 24



REGIÆ CATHOL. MA^{ti}. PRIVATA LEGE
BRUXELLIS ANNO D. CLO. ID. LXX.
SEPT. ID. MARTII LATA ET FIRMATA
I. DE LANGHE SVB GRAVI MVLCTA
CAVETVR, NE QVIS, CITRA CHRI-
STOPH. PLANTINI PROTOTYPOGR.
REGII VOLVNTATEM, HÆC SALVTIS
HVMANÆ MONVMENTA, &C. PROX.
SEXENNIO VLLO MODO IMITETVR,
IMPRIMAT, VEL QVOVIS MODO
DISTRAHAT.

CHRISTOPHORVS PLANTI-
NVS LECTORI S.



V M omnes cogitationes, stu-
dium, operam, atq. adeo quid-
quid in nobis est, cādde Lēctor,
ad Typographiam, quæ ceteras
artes sua præstantia illustrat, iamdiu contule-
rimus; nihil nobis charius certè, aut antiquius
est, quàm ut bonarum literarum, ac potissi-
mum sacrosanctæ Theologiæ studia omni ex
parte promoueamus, ac piis, isdemque multi-
plici disciplinarum genere ornatis viris, cōti-
nuo labore, ac industria (quantulacunque ea
est) pro viribus cōsulamus. Neq. verò in præ-
benda studiosis hominibus materia, & copio-
sa gratissimorū studiorū supellectile, adeò to-
ti sumus, quin nonnulla etiam oblectamenta
grauibus intermixta studiis, lectoribus sub-
inde proponamus. Hoc enim inter cetera nobis
semper fuit propositum, vt seriis studiis, &
continuis laboribus defatigatos, iucunda ali-
qua, neque ea tamen inani occupatione inter-
dum detineremus. hoc itaque consilio adducti
præstātissimos ac probatissimos quosq. Pcē-
tas, tum veteres, tum recentiores: nonnulla

etiam alia, in omni fere artium (quarum professoribus nos satis esse facturos existimauimus) ac scientiarum genere opuscula , typis, quoad fieri potuit , elegantibus , excudimus. Cùm verò inter ceteras artes , quas diuina munificētia hominibus elargita est, pictura ea sit, quæ tum vtilitatis, tum delectationis non infimas partes suo iure quodāmodo sibi vendicet , quippe quæ res omnes, quæ quidem in hac rerum vniuersitate conspiciuntur, ita representet, atque ita oculos teneat, vt eæ tanquam viuæ rerum imagines imperitos etiam ipsos res gestas luculenter edoceant, ipsumque animum moueant, atq. adeò aliàs lecta, quarumque memoria exciderat, sui inspectione in mentem reuocent, vt hac potissimum de causa non paruum hac ars cū typographica nostra affinitatem habere videatur: Instituti nostri esse existimauimus Ariæ Montani publicæ vtilitatis studiosissimi, ac de bonis literis, & disciplinis optimè meriti, Architecturæ etiam peritissimi (cui enim nisi ingeniosissimo huic viro, tabularum, quas in hoc opere artificiosè celatas conspicias, admirabilem structurā acceptam referamus?) fecundissimū, & quouis



uis doctrina genere refertissimū opus, id est,
unam & septuaginta odas, quibus ille felici
quadam ingenij dexteritate, carminis elegan-
tia, & gravitate maximum, & admirabile
omnino salutis nostræ mysterium iam inde ab
ipso primū parentis lapsu ad Evangelistas vs-
que prosecutus est, adhibitis ad eam rem ex-
ercitatissimis pictoribus, & tabellarū, qui-
bus sacræ historia aptissimè representantur,
cælatoribus, summis laboribus, ac sumptibus,
quibus profectò, hac potissimū in parte, vt
videre est, non pepercimus, qua potuimus in-
dustria, typis nostris excudere: idq. ita elabo-
ratum & omnibus suis partibus absolutum
tibi tandem exhibere. Qua quidem in re si
nostros labores tibi gratos esse comperiemus;
longè maiora, Deo dante, tum ab ipso Aucto-
re, tum etiam à nobis posthac in communem
studioforum vtilitatem, cui nos totos nostra-
que omnia dedicauimus, continuò prodibūt.
Vale, & nostrum hunc laborem æqui consule.
Antuerpie Calend. Maij, Anno à Virginis
partu, M. D. LXXI.

CHRI-

CHRISTO LIBERA-
TORI S.

CHRISTE, tuas laudes, tua magna negotia, parvi
Aggredimur breuibus dicere carminibus.
Ponimus exiguis memoranda exempla tabellis,
Consilium & summi per tua gesta patris.
Dum reficit pictura oculos, dū carmina mentē,
Te placidum nostris insere pectoribus.
Tunc dabitur miranda animis arcana videre,
Creditaq; humanam vincere sorte vicem.
Tunc animis fidibusq; nouis, meliora feremus
Carmina, de donis munera nata tuis.

VERÆ SAPIENTIÆ RVDIMENTA.

*Dux hominū interpretſq; Dei mitiſſime Moſes
Omnia qui primus tempora ponis, aue.*



FIDELI MINISTRO POS.

A 5

In

In tabulam præuaricationis parentum.

ODE TRICOLOS TETRASTRO-
PHOS. III.

EHEN laborum pondera maxima,
Mortale quondam queis premitur genus,
Inuexit orbi tunc recenti
Femineæ leuitatis error.
Postquàm parentum, plura petentium
Quàm vox benigni præbuerat Dei;
Attendit infausti draconis
Credulitas male suada verbis:
Ardor negatæ dum sapientiæ,
Summūq; certans ambitio loci
Angustiores dat videri
Dinitias, cumulumq; celat.
Pellexit arbos rarâque frondium
Prospecta, ramis forma micantibus,
Fatale ut auderent scelesto
Dente (nefas) temerare malum.
Conceptus agro pectore conscius
Succus, patenteis mox reserat vias,
Qua culpa lethi seua mater,
Visceribusque, animis que regnet.
Hoc fonte rixæ, dissidia & furor,
Pugna, rapina, seuâque criminum
Turba & dolores in nepotum
Dedecus exitiūque manant.

AMBITIO ÆRVMNOSA.

*Principium errorisq; mali, miseraq; ruina
Est praeceptori credere nolle Deo.*



FRAVDIS EXPOLIATRICES MONVM.

In

ODE DISCOLOS TETRASTRO-
PHOS. IIII.

VICTOR dum, patribus perpetuo inge
Depressis, celebrat gaudia Lucifer;
Præclara & repetit cum grege perfido
Palma præmia nobilis:

Duci fata suis audit absona
Inceptis stabili consilio Dei:
Cristatûmque gemens pulvere verticem
Squamosus posuit Draco.

Nam cur tu invidia frandibus insolens
Virtutis referas vel sapientia
Laudem? colloquio quòd superes nimis
Vano, femineum caput?

Iam te sollicitum terribiles metus,
Expers latitia & suspicio manet:
Quæ semper pauido pectore sentias,
Nec vitare queas ferus.

Quin de femina stirpe, tenerrimus
Nascetur valido robore surculus:
Istud comminuat qui cerebrum citò,
Huic dum tu insidias paras.

Exercere malis ingenium dolis,
Et rumpi invidia, perpetuum tibi,
Torquerique animo; quòd propriis male
Demens consiliis cadas.

Dein victus graubus guttura vinculis,
Æternq; caput supplicio dabis,
Et commenta fremens stultitia tue
Flammis vindicibus lues.

CONSILIVM ABSCONDITVM.

*Ingeniis hominum cunctis reperire negatum
Surgit opus, magno propositum Artifici.*



MISERICORDIÆ ASSERTRICI. S.

In

ODE SAPPHICA. V.

SOL ubi calo faciem sereno
Purus ostendit, decus atque rebus
Redditum est, quales variata formas
Terra tenebat:
(Nuper heu noxis hominum per omnes
Ambitus Luna, penitus negata his
Vsis vita & pelago innatanti
Cedere iussa.)
Tunc senex, auctor sobolis future,
Cespitem instratas pia thura ad aras
Admonet, iungens precibus probanda
Dona superstes.
Annuat votis Deus, ac benigna
Voce, sint, dixit, renouata certis
Cursibus; iustos habitura mundi
Tempora fines.
Iam semel vastis periisse in undis
Secla brutorum sobolemque Adami,
Sit satis; posthac potiora tecum
Fœdera iungam.

*Fraude hominū Deus offensus cū cōcipit iras,
Consilij clemens est memor vsque sui.*



MISERICORDIÆ PROSPECTRICI, S.

In

In tabulam peregrinationis Abrahæ.

ODE DICOLOS DISTROPHOS
AD FIDEM VI.

QVEM tu diua fides virum
Vinentem solido pectore finxeris;
Vulgo & sepositum leni,
Arcani imbueris munus tui;
Illum non labor improbus,
Ignotæ loci suspicio tremens,
Aut urbis memorem sua,
Laudantemue soli commoda cogniti,
Terret, quo minus arduas
fusus voce Dei perficiat vias.
Quamquam incerta quies loci
Non usquam stabilem contineat domum,
Iamq; exusta caloribus,
Iam concreta pigra frigoribus niuis
Ostendet regio metum:
Non sylva indomitis horribiles feris;
Non præceps fluminis fragor,
Non obiecta hominum turba nocentium
Frangit propositum graue,
Quin metam teneat victor amabilem.
O virtutibus integris
Dux certa, & superum viribus æmula,
O qua corpore languidis
Robur sufficere & vim potes integram;
Tu insperata parentibus
Effæto senio pignora prospicis;
Tu montes trahere, & maris
Flectus discicere, & flumina rupibus
Insuetas noua per vias
Deriuare potes; nam bonus omnia
Regnator superum tuis
Et sese voluit tradere nutibus.

OBEDIENTIA CONSTANS,

*Ille sapit, qui diuitias patriamq; genusq;
Qui decus in solo numine proposuit.*



FIDEI DVCI SAC.

B

IA

ODE DICOLOS TETRASTROPHOS. VII.

SPECTATVM innumeris antè periculis
Vinacis fidei robur, in ultimos
Incursum stabilis sustinet Abraham,
Æternumque meret decus.

Incensus studiis, & docilis sequi
Quicquid vel inbeat vel veret arbiter,
Calorum bonus & calicolum sator
Cui se subdiderat pium:

Exhausti senij pignora dulcia
Concessa, ac sobolis semina postera,
Flammis ut properet tradere mysticis;
Præsens voce monet Deus.

Illum non iuuenis vultus amabilis,
Hostis qui gladium sisteret, ac manus;
Nec virtus variis unica seculis
Turbat, nec pietas patrem:

Orbanda aut gemitus coniugis, & graui
Questu perpetuo difficiles dies,
Aut immensus amor continet editi
Nati non solitis modis.

Promissam sobolem iussa negantia, &
Pugnans pollicitis consilium nouum,
Non sistit dubium, nec facit exitus
Spem deponere prosperi.

Namque immota fides, cum semel hæserit
Deuoto penitus pectore, sustinet
Quicquid vel superum, vel genus inferum
Vel tentare paret Deus.

*Nil nisi quod dixit Dñs sapere, hoc sapiētum est,
Et nusquam visum fallere consilium.*



DEO EXAMINATORI. S.

B 2

In

ODE DICOLOS DISTROPHOS. VIII.

QVÆ patribus firmata olim sunt fœdera primis,
 Nouq̃, cœpta ab orbis ante termino,
 Et quæ prima hominum, quæq̃, altera credidit ætas,
 Rudi sed vsque peruoluta imagine:
 Hac eadem iam clara magis, monstrataq̃, cernit
 Suo Iacobus expedita tempore.
 Qui dum humilis, fugiensq̃, minas fratrisq̃, furores,
 Deum vocaret, inq̃, vota posceret;
 Et placido iam membra daret recreanda sopori,
 Labore pressa, mente sed vigil magis:
 En certus docilisq̃, poli manifesta videbat
 Parentis ampla pernicare limina;
 Innixamq̃, solo scalam, quæ vertice summo,
 Poli tonantis alta templa vinceret;
 Multifidoq̃, gradu, terris deduceret imis
 Ad vsque tecta fulgidi orbis aurea.
 Illic supremam sedem, pater ipse benignè
 Foxens, tenebat efficace numine;
 Quo vultu solisq̃, ignes, hyemesq̃, ninales,
 Et impotentis impetum maris regit.
 Hâc iter ad superos didicit, certamq̃, patère
 Viam perennis vsque ad intima ætheris.
 Jamq̃, oblata hominum generi commercia diuûm
 Videns, fætetur atque adorat excitus.
 Cernit enim aligeros, non agmina rara, ministros
 Idem altos ferre per gradus pedem:
 Inde hominum terras inuisere, rursus & isthinc
 Tonantis alta commeare limina.
 Tunc pauet agnoscitq̃, domum portamq̃, supernam.
 Opus sed astra quod pererrat ultima,
 Quodq̃, premens terras, præteruolat æthera in arctum,
 Vocare cæcumen & referre sit nefas.

HYMANA DIVINITAS.

*Cur tanto genus humanum dignetur honore
Dicere, non nisi qui perficere ipse potest.*



In testamentum Iſraëlis.

ODE TRICOLOS TETRASTROPHOS.

VICINA letho proſida mens ſenis,
Et iuſſa patrum tendere ad inferas
Sedes piorum, quas ſerenat
Spes patriam recolens ſupernam:
Et iam ſecundo proxima lumini,
Solucnda preſſi & corporis artubus,
Caliq₃ promiſſis adharrens,
Certa boni memor & futuri;
Dilecta prolis pignora poſtere
Bis ſena certus nomina conuocat,
Speraret unde & comparandam
Sideribus ſobolis cateruam.
His tum vaganti ac hoſpitibus domo,
Certi nec uſquam compotibus ſoli,
Speranda venturos in annos
Acta canit, numcratq₃ ſortes:
Et regna, regum & munera, diuites
Promittit urbes, & ſpolia, atque opes:
Gentes, & extinctos tyrannos,
Numinis auxilio potentis.
Mores nepotum, cunctaq₃ ab ordine
Spectanda rerum ſacula diſſerit;
Seruanda precepta & ſecundis
Temporibus dubiisq₃ dictat.
Reſponſa magni myſtica conſili,
Plenumq₃ priſcis pollicitis opus,
Sermone quæ æternam latent
Mentibus inſinuant ſalutem.
Ille & ſepulchri funera debita
Optabat, agris in Iebuſum ſibi,

*Constituit rerum certos ex ordine fines,
Vatibus & tradit secla notanda Deus.*



DEO DOCTORI SAPIENTI. S.

B 4

In

In tabulam Moſis expoſiti.

O D E S A P P H I C A. X.

N V L L A viſ terris , licet uſque denſo
Fulta conatu , valet imperantis
N u m i n i s certam variare mentem,
Conſiliūmue.

Nam ſimul iunctis opibus , manuq;
Stulta mens tentat temerare ſanctos,
N e ſ c i t , ac cali tamen euehendoſ
S u ſ c i p i t orſuſ.

Q u i q; deduci monitiſ ſuperniſ
(Q u æ iuuant puras recreantq; mentes)
A b n u i t , ſumptiſ , equuſ ut , capiſtriſ
V o l u i t u r a m e n s ;

N e q u e a t ſacroſ retinere curſuſ.
I m p i j quondam ſoboleſ Chameſi,
N e m p e dilectam ſuperiſ parabat
P e r d e r e g e n t e m .

Q u o d q; plantarat Deuſ ipſe cultor
G e r m e n augenda pietatiſ , vndiſ
D a m n a t , & monſtriſ fluuij tyrannuſ
D e ſ t i n a t a t r o x .

S e d n e f a s horret ſubiſſe Niluſ,
A u d i t u t ſlentis pueri querelam ,
Q u e m d a t a r c a n æ Deuſ adminiſtrum
E ſ ſ e ſ a l u t i ſ .

I p ſ e & inſonteis vigil amniſ undaſ
C o n t r a h i t , parcenſ properare , & acreſ
C o n t i n e n t morſuſ liquido adnatanteſ
F l u m i n e p i ſ c e ſ .

D e n i q u e iniuſtæ populator aulæ
Q u i ſ i t & vindex generi , nocentiſ
R e g i ſ i n g r a t o gremio ſonetur ,
C r e ſ c i t & i g n i ſ .

TYRANNVS MISERICORDIÆ CONCED.

*Casibus in duris rerum, spes certa salutis
Expectare, bonus quid velit ipse Deus.*



PROVIDENTIÆ VICTRICI. S.

B 5

In

In tabulam Mosis, populi salutem meditantis.

ODE TRICOLOS TETRASTROPHOS XI.

OLIM cupite iam nimium diu
Et mente Moses, robore & integro
Non vana speranda salutis
Signa suo generi adferebat:
*Qu*anquam educatus molliter aulico
Fastu valeret delitiis frui,
Et verba concepti fauoris
Vendere, compositumq₃ fumum.
*N*on ullus amplis doctior artibus
Certisq₃ belli consiliis prior,
Æquanda comparare posset
Nomina principibus supremis.
*S*ed quidquid alti viribus ingeni
Fidone posset robore corporis;
Totum paterno dedicabat
Ille Deo & populo suorum.
*H*orum labores commiserans graueis,
Promptus lenare ac non timidus mori,
Proponit audax & doceri,
Et facere auxilij periculum.
*V*ires probare & consilium efficax
Testis videret (ni foret improbus)
Qui Ægyptij vidit sepulchro
Membra dari nimium superbi.
*S*ed prona fraudi mens hominum sua,
Et sæpe certis inuida commodis,
Exempla monstrata salutis
Prodit & auxilij ministrum.
*H*unc regis iras & generis dolos
Grato cauentem pignore suscipit,
Sernatq₃ Madianes ad illa
Tempora, qua Deus annotarat.

OPTIO INCOMPARABILIS.

*Publica cura animos magnos, & pectora tentat:
Certaq; discrimen corda subire grave.*



SAPIENTIÆ ILLVMINATRICI S.

In

In tabulam Mosis, rubi incendium mirati.

ODE TRICOLOS TETRASTROPHOS XII,

FLAMMAS innocuas non solitum genus,
Incensisq; rubum frondibus integrum,
Audax noscere Pastor
Vel tentare (nefas) caue.

Quamuis tu Phariis cultior artibus,
Calo dinumeres astra nitentia;
Et res noueris vnus,
Quas tellus fouet ac mare;

Humanam fugiunt hac sapientiam,
Et nostro positos ingenio modos,
Queis attingere mundi
Vix conclusa licet polis.

Quod si tantus amor discere, quam nouam
Mirator speciem conspicias, infimas
Curas exue terra,
Et fastus animi graues.

Fœdis ne temeres, ah, loca sordibus;
Quæ cernis sacra sunt plenaq; numinis:
Hæc mente, & pede puro,
Simplex discipulus petas.

Hic iam veridica voce docere,
Quàm magnis valeat viribus efficax
Ignis, vertere mundi
Formas, in speciem nouam.

Namque ille & tenebras, & chaos, & nihil
Quondam discutiens intulit optimi
Mundi consona membra,
Finesq; & varium decus.

Idem gratus amor perpetuò bonus,
Flamma quem specie non temere vides,
Vitam reddere & almam
Lucem terrigenis parat.

DIVINÆ VIRTUTIS SPECIMEN.

*Fluctibus in mediis & tempestatibus orbis
Certa est, quæ charis lux micet alma piis.*



MISERICORDIÆ MEMORI. S.

In

ISACI pueri integri

*Maturi inuvalidus cum senibus viri,
Mista matribus ac nurus,*

*Et quantum populi est ordine ab infimo;
Maturate laboribus*

*Exire, atque lacu seruitij grauis.
Aurum, & gemmea pocula,*

*Argenti & solidi vasa nitentia,
Texta & vellera purpure,*

*Et quicquid spolijs possideat ferox
Diri progenies Chami,*

*Denictis penitus diripite hostibus.
Nec clementia parcere*

*Cuiquam, nec statuat pignoribus modum:
Vestrum nam, pauidi more,*

*Discessum rediment munere quolibet.
Suetos pondus iniquius*

*Compulsis humeris tollere sarcinas
Iam nunc non pigeat graueis;*

*Et vires cumulent diuitia nonas.
Summi hinc dextera numinis,*

*Hinc addant animos gaudia publica,
Sancti hinc auspicijs ducis,*

*Qui vos è tenebris carceris horridi,
Duri atque imperio iungi*

*Ereptos retulit luminis in diem,
Arcanis meritam diem,*

*Dignam & perpetuis carminibus coli,
Vitæ munia libera*

*Quæ seruis renouat, quæ populi decus.
Summi consilium Dei,*

*Vos iam magnificis tollite laudibus:
Iam spem concipite optimam,*

Iam sentite, fluant vt lenius dies.

*Nil non posse datum iis quorum pictasqꝫ fidesqꝫ
Prompta sequi cedit, qua vocat vsque Deus.*



VERBO EFFICACI SAC.

In

QVA maris undisoni longo sinuata recessu
 Littora, diductas propulsant margine rubro,
 Illic Æthiopum terras, Niliq³ vagantis
 Irriguos campos; Arabum spirantia thure
 Arua bono, & gemmis illinc palmisq³ decora,
 Diuini præfixa olim monumenta triumpho,
 Perpetuo stabilita manent, semperq³ manebunt;
 Dum lux, dum calo constant radiantia puro
 Sidera; & assiduo spirantes agmine venti
 Aërios repetent tractus, pelagoq³ tument
 Constabunt liquidas non irrita iura per undas.
 His etenim populos quondam sæuunq³ tyrannum,
 (Sacrilegam sobolem Chami, Phariosq³ colonos)
 Militibus Deus enertit, furibundaq³ fudit
 Consilia, atque ipsos immensa strage, nec ullo
 Seruatos numero, iussit descendere in atras
 Pallentis lethiq³ domos, Erebiq³ tenebras,
 Contento studio summis & viribus ausos
 Iudicium temerare Patris, cui maxima mundi
 Corpora concordiparent variantia lege:
 Quiq³ suum populum promissa ad regna vocatum
 Iusserat, iniustumq³ iugum, sæuasq³ catenas
 (Excelsa quæ cuncta manu confregerat ipse)
 Excutere, & monstrata sequi dictiq³ viaq³
 Signa, reuertentes gratè memoranda per annos.
 Ergo lecta manus, discissas ducta per undas,
 Vitalem mirata diem, procul aspicit omni
 Littore proiectos hosteis, numeroq³ carentem
 Exanimum turbam in pelago, partemq³ profundo
 Coniicit immersam cæno, sabuloq³ sepultam,
 Liberaq³ exultat plebes, laudatq³ potentis

ACTA DEI, ARCANÆQUE CANIT
 MONUMENTA SALVTIS.

*Queis voluit: prodesse Deus, Natura benigna est
Omnis, at vlticem fert inimica cohors.*



DEO VICTORI VINDICI SAC.

C

Li

In tabulam acceptæ Legis apud Sina montem.

ODE TRICOLOS TETRASTROPHOS XV.

QVOD prima nusquam secula viderant,

Vidère cani cum pueris senes,

Vxorq₃, nubilisq₃ virgo,

Turba pæuens populusq₃ cunctus,

Mortalium uti colloquiis Deum,

Et voce sancti numinis indice,

Præsentis electaq₃ gentis

Fœdera participem subire:

Cùm liberatam seruitio graui

Plebem sacratis montium in abditis

Doctorg₃, dictatorg₃ coram

Alloquitur, recitatq₃ leges.

Cui signa præfert sollicitus timor,

Qui corda miro concutit impetu,

Clamore perrumpens tubaq₃

Saxa sono, tremulosq₃ monteis.

Hinc ignis alto deuolat æthere,

Summiq₃ tractus montis & aëra

Collustrat, vrenteisq₃ flammæ

Congeminat, penetratq₃ cantes.

Tunc explicatis vocibus, optima

Præcepta plebes, iuraq₃ suscipit,

Æquumq₃, prælucensq₃ verum,

Fasq₃ pium, officiiq₃ normam;

Legesq₃ certum quæ doceant decus;

Sed mole monteis concutiant graui,

Morboq₃ languenteis anito,

Imperio exagitent tremendo:

Donec potenti numine, cordium

Illapsus vrat spiritus intima,

Præstare & expertes pauoris

Sponte animos meliora donet.

HVMANÆ INFIRMITVDINIS EXAM.

*Lux terris veneranda micat, mortalia sed quæ
Lumina præstringens turbet & vsq; premat.*



DEO PVRO SANCTO TERRIB. S.

C 2

12

ODE TRICOLOS TETRASTROPHOS XVI.

PENV benigni ex atheris editam
 Intaminato & munere simplicem
 Miratur annonam legendo
 Plebs alacris, cumulumq₃ magnum.
 Defecta parcis quos tulerat cibus
 Festina sacrum dum sequitur ducem,
 Verbisq₃ concedens supernis,
 Tesqua petit sterilesq₃ tractus.
 Tunc providentis consilio Dei
 Educta turme pennigera cohors,
 De rore confectas sereno
 Ambrosiamq₃, epulasq₃ promit.
 Nullis parata hæc dona laboribus,
 Lentis vel anni cursibus, aut graui
 Quæ sita curarum tumultu
 Lucifer exoriens ferebat.
 Sic dormienti, cui Deus affuit,
 Adacta rerum commoda cernimus,
 Ædeisq₃ crescentemq₃ longo
 Tempore progeniem parari:
 Dum certus ille, & pollicitis pius
 Credens benignis, non timet ardua
 Ferre, atque quâ ducit vocantis
 Mens, sequitur, peragratq₃ certus.
 Hæc esca plenam numinis & manum
 Atque efficacem pascere comprobat,
 Natura seu iussas ministræ,
 Sine neget properata parteis.
 Maiora nostris fercula seculis
 Delata puri culminibus poli
 Ponuntur, æternaq₃ vitæ
 Pignora terrigenis petenda.

FIDES NYSQVAM EGENS.

*Esse homini in terris poterit quæ grata voluptas,
Cui diuina semel contigit Ambrosia?*



PROVIDENTIÆ LOCUPLETI S.

C 3

In

ODE SAPPHICA XVII.

NON pauens vanis metus, & viarum
Qui negat duros tolerare caſus,
Longa vel deſes memorat remoti
 T adia finis;
Sed fides conſtans animiq; magni,
Quæ ſemel certo radiata verbo,
Tramitem oſtenſum ſubit, atque cali
 Proſpicit alti
Templa, lux vnde & fauor, ac potentis
Vis tenax verbi, penetrare prompta
Turbidi fluctus maris, ac ſecundo
 Gratia ductu;
Illa mirandos ſuperans labores,
Quos inuēt quondam meminiffe, pulchrum
Premium ſummo poſitum reportat
 Culmine victrix.
Tunc probat ſortis memor & prioris,
Digna quàm multis fuerint periclis,
Quamq; contento repetenda curſu
 Munera dia.
Sic & Aegypti miſeris redempta
Vinculis felix manus, aduocanti &
Obſequens verbo, tenuit quietis
 Regna beata.
Hinc inaccessos trepidare montes,
Hinc opes viſa eſt ſolito priores
Largius turba venienti in uſum
 Fundere tellus.
Primus & cuſtos regionis, altum
Senſit ut numen, renuens morari,
Fluminis portam vitream tumentis
 Pandit Iarden.

*Felix qui monitisq; Dei verbisq; benigni
Audiit, ille sacra compos erit patria.*



ODE TRICOLOS TETRASTROPHOS XVIII.

*AVDITA quantum vox valeat Dèi
Rerum nouandis cursibus edere,
Vidère, qui dicto audientes,
Castra loci tetigere odori.
Insueta terris turma recentibus,
Vastis neque ampli corporis artubus
Æquanda cum vulgo tumentum,
Quos regio tulerat, gigantum;
Densis sed vnà cum populis tamen
Exercitati robore prælij,
Non parua molitos tyrannos
Consilia exasperauit hospes.
Antiqua namque hos crimina, cum suis
Damnata prorsus gentibus, ultimas
Perferre pœnas, atque auitis
Tradiderant spoliare fundis.
Quos non labore, at numine vindicè
Dux sternit instans. Adsumus, adsumus
Vltoris eterni ministri,
Atque suos peragentis orsus.
Vexata tellus fraudibus impiis,
Prolem nefandi conuomuit Chami,
Natosq, suscepit fidelis
Hospitis, & memor & beata.
Arcana quo iam nomina maximi
Doctore primùm numinis audiit:
Qui secla, calèstesque turmas
Vnus agit moderator æquus.
Turrita in isto mœnia iudici
Firmata vastis vectibus, & trabes
Cessere, & ingenti ruina
Sponte sua, patere muri.*

ANIMADVERSIO MATVRESCENS.

*Non gladio aut numero, nō vi, sed numinis alti
Consiliis certis vincere magna datur.*



DEO VLTORI IVSTO S.

C 5

In

ODE TRICOLOS TETRASTRO-
PHOS XIX.

DIFFERTA rerum diuite copia
Munita densis gentibus, arduo &
Vallata murorum reductu,
Regna cadunt pereuntq; iniqua.
Collata quamuis consilia, & manus,
Et convocatis fœdera regibus,
Armisq; fulgentes iniquas
Munierint populi rapinas:
Solum potentis consilium Dei
Exors refringi, permanet & quibus
Audita præmonstrant vocantis
Dicta viam intrepidè obsecutis.
Exstructa multis oppida sumptibus,
Implerat auro posteritas Chami,
Et gemma & ostrî prænitentis,
Velleribusq;, opibusq; magnis:
Sed fraude cæca ac precipiti dolo
Quæsita, fœdisq; vîsibus addita,
Proscripsit integri potestas
Iudicij dominosq; pressit.
Hæc ipse nullis indigus arbiter
Ducto colono diuidit, & bonos
Commendat exercere in vsus,
Non propriæ referenda laudi;
Valde stupenti tam citò plurium
Cessisse regnorum imperium sibi;
Et ante quàm possent obiri
Cuncta oculis, potuisse vinci.

*Quis tam multa citò penitus superāda putarit?
Qui superūm iussis credidit & studuit?*



DEO VERACI POTENTII S.

In

ODE SAPPHICA XX.

CONSITIS lato studiosè in agro
Vitibus magnam posuisse curam
Principem cali, referendi ad usque

Tempora fructus

Scimus, ac doctos variis ministros
Artibus, certas operas colendo
Commodè addictos adiisse, magno

Non sine sumptu.

Hic apros arcet, genus & nocentum
Vocibus ferroq; abigit ferarum:

Hic fodit; ramos vitio fluentes

Præsecat alter.

Sarcit & sæpes alius reuulsas,
Damna præsentis subiisse; namque
Sancius duro cadit in labore

Sæpe colonus.

Cura sed maior fuit expiandi:
Nam sacerdotes variante sæpe
Distinent cultu repetenda cunctis

Sacra diebus:

Horridine quid vitij precatos
Occupet, natum aut penitus medullas
Palmitum carpat, vitiætue pestis

Extera vitem.

Cura quæ humanos renouata morbos
Arguens, ipsum vocat auferenda
Compotem labis, dominum & salutis
Artificemque.

Ergo vos nostro generi fauete, &
Aurea ô cali properate sæcla,
Victimis cunctis positura finem,
Sernitiisque.

EXPECTATÆ EXPIATIONIS VMBRA.

*Pontificem, quem prisca olim petiere supernum
Secula, nostra tenent, qui litet & placeat.*



DEO CLEMENTI PLACABILI, S.

In

In tabulam Dauidis ad pœnitentiam reuocati.

ODE DICOLOS DISTROPHOS XXI.

HUMANI ingenij licet
Solers vaftricies, callidus ac dolus,
Celet compositum nefas,
Aut blandè impositis nominibus lenet,
Indulgens sceleri suo
Asperfo nitidis mille coloribus;
At quæ cor hominum tamen,
Et renes penetrat, cunctaq; providens
Pertingit sapientia,
Et sermo ignifero fulmine acutior,
Fallax terrigenas genus
Arctis compedibus praligat, ut neque
Elabi valeant prius,
Nec celare notam, nec fugere improbi.
Nam dum mens nimium sibi
Ignoscit, vitiumq; alterius leue
Intentis oculis videt,
Exemplo similis iudicij, malis
Succumbens propriis cadit,
Et damnata sibi intra subit prior.
Felix qui metuit vigil,
Iras ne horribiles Numinis excitet;
Et vitam peragit piis
Intentam studiis, & fidei & preci;
Certo proximus huic gradu,
Qui contracta mali criminis expiat
Probra; & qui monitus bonis
Vatum consiliis, cedere mollior,
Mentemque & studium mali
Permutans, facilem sollicitat Deum;
Offensamque gemens grauem,
Exclusus, patria suscipitur domo.

*Iure perit, qui cunctatur damnare priora
Crimina, & ad veniam sollicitare Deum.*



DEO MISERICORDI S.

In

ODE TRICOL. TETRASTROPH. XXII.

RECTVM & merentem plurima nouimus
 Laudis probata premia indicem,
 Deuota quem produxit Anna
 Et sterili recreauit aluo.
 Illum exigentem iam spatia vltima,
 Summi & solutum munere consulis,
 Excelsa contentum paterno
 Rama lare ac tenuem recepit.
 Pleno laboris perpetui seni,
 Exercitatos dum recolit dies
 Nil tædiosi turba vulgi
 Excipit arbitrioque fingit.
 Non deferenda (si sciret magis)
 Sortis prioris, res populi hunc bonum
 Postrema dimisit ministrum,
 Et meminuit, genuitque semper.
 Cuius sacrata quid valeant preces,
 Sensit marinus cum populis Dagon,
 Quos terror æthra fulminantis
 Dissoluit, domitósque fregit.
 Responso quondam hic à puero bonus
 Firmare certo numinis indice,
 Exempla duratura veris
 Historia posuit libellis.

SIMPLICITAS MVNDO FASTIDITA.

*Nil conscire sibi nudo, summisq; peractis
Munerib⁹, magna hac premia, magnus honor.*



REIPV. MINISTRO INTEGR. POS
D In

In tabulam Nathan Prophetæ.

ODE TRICOLOS TETRASTROPHOS XXIII.

ÆTAS beato tempore ducitur,
Latosq; firmat candida pax dies:
Cum ducit, attentusq; clauum
Versat amans Moderator equi:
Humana raro nequities tamen
(Cum pressit alta frena potentia)
Ne temnat, excedatq; metam
Propositam, sibi temperavit.
Miranda in isto munere regibus
Exempla Pastor fecerat inclytus;
Ni laudis immensa nitorem
Pestifer inficeret cupido.
Suscepta fœdi pondera criminis,
Inflicta ceco & pectore vulnera
Obliviosus, nec dolere
Præbet Amor, neque cogitare:
Donec veternum pectore ab intimo
Soporis alti excussit amabili
Sermone Nathan, cui videre
Facta Deus dabat & futura.
Quis nunc decori consilij potens?
Hunc cecat amens gratia principem,
Illum sed imprudente dicto
Asperitas alienat audax.
Felix, carentem stultitia mala,
Rex, cui ministrum contigit assequi;
Et fraude semotum dolosa,
Numinis & studio calentem.
Nathan suorum secula temporum
Scripsit fideli certa volumine,
Quacunque vel gessere reges,
Vel populi subiere ducti.

CONSILIOR. INTEGRITAS.

*Simplicitas, veri studium, obsequiumq; fidesq;
Grata Deo, & cunctis commoda temporibus.*



HONESTI DOCTORI GRAVISS. P.

D 2

In

In Daudis effigiem.

CARMEN TRICOLON TETRASTRO-
PHON XXIII.

DOCTVM *innocenti pectore perpeti*
Casus, labores, exilium, minas,
Iras, furores ac superba
Monstra, virum canimus domantem:
Decepta cui non fœdera centies
Regis minacis & nimium feri,
Ostensa nec vulgi repulsa
Spemq;, animiq;, fidem repellunt.
Responsa magni & consilium Patris
Dum mente certus concipit integra,
Audax vel obiectos per ignes
Ire valet, superatq; victor.
Calo minantis, gentibus & feri,
Horrenda vasti tempora Golie,
Assertor atque ultor suorum,
Stravit humi caput & recidit.
Vincenda semper prœlia, & hostibus
Antè inquietis impositum iugum,
Sperare iam primis in annis
Vrſa cadens dabat & leana.
Incisa quondam marmore duplici
Præcepta verbis ac digitis Dei
Curavit, & morem sacrorum
Constituit, celebresq; ritus.
Idem efficacis munere barbyti
Victura dixit carmina, quæ Draco
Antiquus audire obstupescat,
Quæq; probet Deus & secundet.

DIVINÆ VERITATIS ARGUMENTVM.

*Otia honesta Deo, cuncta atq; negotia summo
Quæ dicat, hæc multis vita beata modis.*



REGI FORTISS. INTEGERR. PIENTISS.
VATI DVLCISS. POS.

ODE DICOLOS DISTROPHOS XXV.

QVOTQVOT præca tulit, quotquot sperare futura
 Rectores concesserit atas,
 Divitiisq₃, opibusq₃, animi, sensuq₃ profundo,
 Tu Salomon præcefferis vnus.
 Seu populis dare iura iuvet, seu ponere docta
 Virtutis præcepta petenda;
 Seu cupias animo immensum penetrare per orbem,
 Ingenio & numerare diserto
 Naturæ variata modis spectacula miris,
 Quæcumque aut radiantia celum
 Astra movet, vel quæ duplici spatiantur in unda
 Plurima monstra, vel omniparens quæ
 Multiplici profert utero, atque alit ubere Tellus,
 Cuncta tibi cessere petenti.
 Obstupuit, peregrina tuas conspexit ut artes
 Gens acris non indiga sensus.
 Victa tuis siluere etiam miracula templis
 Quæ quondam celebrata sonabant.
 Quæ patet oceanus, gentes tua carmina discunt,
 Et recinunt iuuenesq₃, senesq₃,
 Æterniq₃ Dei nomen laudesq₃ perennes,
 Speranda & monumenta salutis,
 Cetera & arcanis quæ te meditante figuris
 Excelsa Sion audiit arce.
 O Rex, ô felix, nullumq₃ habiture priorem,
 Vna tibi & proba si foret vxor.
 Vltima nempe fuit vox te dignissima, vanum
 Esse, Dei timor unde recessit.

HVMANÆ SORTIS MENSURA GEMINA.

*Mortales homines & re & sermone iuuare,
Perpetuum magni est principis officium.*



PRINCIPI SAPIENTISS. PACE REIP.
CONSTITVTA POS.

ODE DICOLOS TETRASTROPHOS XXVI.

REGVM progenies Isacidum, breui
Te magnum experiar dicere carmine,
An laudes tacitus dissimulet pudor
Tantis pro meritis leues?
Quem iam præmonitum grandia dicere
Purgant rutilis spiritus ignibus,
Laturum populo & principibus Dei
Dicta, & terribiles minas.
Prudens præteriti temporis, ac tui
Venturique modos, & seriem canis,
Spectator veluti videris omnia
Depicta in superum domo.
Quis vatum propior cernere ab ultima,
Quicquid magnus habet mundus, origine,
Mores, historias, imperia urbium,
Cuncta & sæcula gentium?
Humano generi munera calitus
Demittenda animis, tu bene nuntias:
Et mæstis releuas corda laboribus,
Et mentes recreas graueis.
Quæ vis eloquii, quæ ingenij queat
Exæquare modos, & decus ac tui
Dicendo rapidum fluminis impetum,
Sensu & multiplices notas?
Vite certa tuo tempora nuntio
Rex prolata videt, ductaque longius,
Cum Sol pollicitis additur arbiter
Decursum relegens diem.
Defuncti celebri muneris exitu,
Contemptorq; trucis supplicij innocens,
Palmam promeritus iudicio Dei,
Magnus diceris ac bonus.

PIETATIS INDEFESSVM STVDIVM.

*Qui Christum non odit, amet responsa legat q̃
Amosida: is fiet nam pius & sapiens.*



DIVINAR. RER. INDICI ADMIRABILI P.
In

SPIRITV feruens iuuenis, potensq;
Robore immotæ superare mentis
Fortium, priscis memorata ab annis,
Corda virorum:

Cui nec ignauæ puero iuuenta,
Nec sibi tantum decus arroganti,
Credetur munus prius adparatum
Matris ab alio:

Tu doces quantum valeat superni
Efficax verbum imperij, fideles
Cum subit mentes, penetratq; in altam
Pectoris arcem.

Nam nec immites odiis tyranni,
Nec furor vulgi miseris iniqui,
Nec tibi ignotæ expedienda gentes
Acta retardant;

Quin per insanos hominum nocentum
Impetus, victor, penitusq; compos
Destruas, vellas, moncas, reponas,
Ædificesq;.

Crescit in duro tibi vis labore;
Carceris diri tenebras lacusq;
Et famem fortis superas, minasq;
Mortis amara.

Sic & obiectos penetrare monteis
Nouit, ac rupes, & adacta in altos
Turrium ascensus monumenta, clari
Fulminis ardor.

Integrum ac fortem celebremq; dictis,
Quem sua inuisum malè presserat gens,
Seruat, & cultu meliore Princeps
Suscipit hostis.

HONESTÆ INDOLIS DECVRSVS INTEGER.

*Quid nō ferre potest, quid nō superare, supernis
Qui se permisit nutibus ac manitis?*



LEGATO STRENVO FORTI POS.

In

ODE TRICOLOS TETRASTRO-
PHOS XXVIII.

EXTREMA prisci sacula temporis
Videre vatem regibus omnium
Narrare præscriptam dierum
Historiam, seriemq₃ longam:
Quas nec vagorum conscia siderum
Chaldea, iactans dicere gentibus
Voluenda venturos per annos,
Explicuit, tetigitue prudens.
Huic providentis consilij Pater
Donavit orbis ponere mobilis
Decreta, mortalesq₃ rerum
Atque hominum imperiijq₃ metas.
Non ille, quamvis inferior modis,
Prisci₃ Vatum luminis vsibus,
Rerum vel impar mole scriptor.
Vel minor eloquio fideq₃:
Sen iussa vates somnia detegat,
Sen visa rerum signaq₃ præcinat,
Abstrusa sen doctor notarum
Perlegat evolvatq₃ sensa.
Hunc flamma, cautes aptior vrere,
Sana & Leonum pertimuit fames:
Concessit huic peior nocendo
Invidia imperiumq₃ præceps.
Miranda sacro scripta volumine
Auctor relinquit, postera quæ legat
Ætas & attendens laboret,
Ac memori probet ore Christus.

IN TEMPESTATE SVBSIDIVM.

*Qui nouit metuitq̃ Deum, discrimina nulla
Ille timet, nil non scitq̃ probatq̃ boni.*



VATI FORTISS. TEMPERANTISS. POS.

In

ODE DICOLOS TETRASTROPHOS XXIX.

PERSARVM populo & regibus inclytis
Dilectum Arsacides ingenium, tuoq;
Optatum generi lumen, amabile
Caloq; & superis caput:

Esdra o progenies pontificum sacra,
Expectatum auide qui Phinea vetus
Exemplum renocas, moribus integris
Præstas & sapientia.

Redduntur Solymis te duce principes,
Longo quos Babylon carcere presserat:
Vasa & sacrilegum quæ rapuit manus,
In sanctam referunt domum.

Quamuis difficilis non solitos via,
Ignavosq; metu, atque hostibus improbis
Inuisos memori consilio viros
Ac dictis reficis bonis.

Dum deuota Deo te duce moenia
Sionis subeunt, quâ populus frequens
Festino sociat plurima carmine
Templis dona recentibus:

Illic & vituli sanguine feruidi
Aras & Libani tingis odoribus:
Et vota incolumis persoluens tua
Genti concilias Deum.

Infamata malis secula nuptiis,
Admissumq; nefas moribus expias,
Antiquasq; iubes discere, & asseris
Leges, & patrium decus.

PROVIDENTIA INSTAVRATR.

*Esdra sancte via doctor, populiq; magister,
Tu monstras rectum quid valeat officium.*



SCRIBÆ SAPIENTISS. PAT. PATRIÆ.

In

ODE DICOLOS DISTROPHOS XXX.

QVI modò inexplētos loculos, si scūmq₃ capaccm
 Assiduusq₃ tenaxq₃ premebat;
 Quiq₃ abaco intentus, tabulisq₃ vacabat auaris
 Nummorum captator anhelus;
 Quem cupidum variis aliena pecunia curis,
 Insidiatoremq₃ timebat;
 Quem tenuēre via, mercatus, flumina, portus,
 Multiplicis quoque fœnoris ardor.
 Hic subito magni mutatus voce magistri,
 Discipulum comitemq₃ vocantis,
 Dinitiarum & compositi neglector acerui,
 Iam libros forulosq₃ relinquit.
 Gaudet sorte noua Leni, nuperq₃ perosam
 Pauperiem præfertq₃, colitq₃.
 Nec socios, famulos, infestaq₃ vincla propinquos,
 Rumores vulgine loquacis;
 Nec quæcunque bonis obstant contraria votis,
 Cogitat incipiensq₃ volutat.
 Nudus, inops, meliora petit compendia rerum,
 Dinitias meditans potiores:
 Quas nec tempus edax, nec fraus, nec perdere possint
 Inuidiæ commenta malignæ.
 Edoctusq₃ nouas rationum scribere formas,
 Duratura volumina complet:
 Atque notas, numeros, damnosaq₃ nomina delens,
 Gesta Dei patresq₃ reponit:
 Exemplo scriptisq₃ probans quàm splendida Iesu
 Gratia sit virtusq₃ docentis.

DIVINA VOCATIO.

*Noctes atque dies dictata legenda, nec ullo
Tempore non nobis commoda scripta vides.*



EVANGELII TESTI FIDELI P.

E

In

ODE DICOLOS TETRASTROPHOS

XXXI.

ET TE, Marce pater, carminis ac lyre
Laudes perpetuis temporibus decent,
Quas Nilo resonent mœnia proxima,
 Illustris Macedûm labor:
Et quas multinagis littoribus mare
Exultans referat, qua lauat, aut secat
Quicquid tergeminis Lamecides soli
 Natis disposuit pater.
Nam nec te assiduis culta laboribus
Terret discipulum relligio recens,
Nec lassat comitem casibus aut viæ
 Aut ponti senior Cephas.
Tu Christi gregibus credita munia
Pascendis, studio perficis arduo:
Ægyptumq; colis, iactaq; semina,
 Quæ seuit Petrus, irrigas.
Quin & tu exiguo magna volumine
Arcani reseras muneris nuntij,
Atque vnus propriis temporibus breuem
 Aptas principio notam.

SAPIEN-

*Parue liber, quid tu doceas, non percipit ounis
Mundus: at id mites percipiunt animi.*



ODE SAPPHICA XXXII.

QVI salutarî recreabat arte
Membra languenti vitiata morbo,
Nunc recuranda meliora menti
Munia tractat.

Namque ubi magni monitis magistri
Doctus, humane didicit ruina
Tempora, & causam, & reparantis auum
Vimq; modosq;
Novit & certo propius periculo
Quid mali Christus releuare morbi
Posset: exultans animum supernas
Vertit ad artes.

Ille inaccessorepetens ab ortu
Gesta mirandi genus atque Christi
Scribit, & quantum renouarit almu
Spiritus orbem.

Additus Paulo socius ministro,
Et comes fidus pelagi ac viarum
Subleuat grato officio labores,
Testis & index.

*Vsus erit magna mentis linguaq. disertæ
Optimus, in sacros incubuæ*



VERITATIS EXPOSITORI DISERTO P.

E 3

In.

In effigiem D. Ioannis Euangelistæ.

ODE DICOLOS DISTROPHOS XXXIII.

QVIS te mente noua potens

In calum iuuenem spiritus arripit,
Plenæ namque uirido?

Vt mundo referas progeniem Dei,
Celatam patribus prius,

Obscuræ adeò nomine cognitam.
Namque & te puerum nouis

Annis ingenio nouimus haud propè
Tantis muneribus parom.

Non humana tibi discipulo dedit
Ars vel scire, vel eloqui,

Quæ nullis emere aut diuitiis queas,
Aut longo studio sequi:

Quamquam Socraticos admoncas libros,
Et quæ porticus inclyta

Arguto repetit dicta volumine.
At te non hominum reor,

Sed magni monitum consiliis patris,
Percurrisse poli vias,

Arcana & docili credita pectore,
Quæq; orbis stupeat pauens,

Incepisse nouis dicere vocibus:
Dum te testibus è tribus

Dilectum penitus præcipuum parat.
Qui ventis tumido & mari

Vina voce potens imperat, efficax
Morbos pellerè, & inferis

Excepisse hominum de tenebris genus.
Ille & te sibi conscium

Quàm magna efficere, & quæ valeat pati,
Iunctum sanguine deligit.

Te matri moriens substituit sua,
Charo ut nomine particeps,

Commissi foucas officij vicem.

*Quod legis, haud paruum est, superat terramq; poliūq;
Si petis hoc, dabitur nosse, sed exue te.*



In tabulam nuntiationis Zachariæ factæ.

ODE TRICOLOS TETRASTROPHOS

XXXIII.

DICTVM ex secundis alloquiis Dei

Tempus nouandi fœderis adfore,

Anni recurrentes tulerunt

Secla viris adamata iustis.

Ætatis alma principium bonum

Legatus alto detulit athere

Demissus, assuescensq; terris

Sese hominum facilemq; præbens.

Aris sacerdos thura calentibus

De more pura dum prece consecrat,

Mortale nil præ se ferentem

Vultu habituq; virum tuetur.

Hic abnuenti credere iam seni

Prolem paratam nuntiat, & nouum

Vxoris annoſæ tumorem,

Quem populi vidcant stupentes.

Ignara luxus, criminis & mali,

Infantis almi pectora crescere

Predicit, & primis ab annis

Mentis opus meditata magnum.

Præſentis amplo munere ſpiritus

Hic ſepta certa ſollicitus via,

Turbata curator probandis

Partibus & ſtudiis reponet.

Qua vita poſſit, quaq; peti ſalus,

Admiſſus ultro qua veniat Deus:

Nec ſpernet hic vates colonum,

Nec metuet fera ſceptra regum.

Hac in reductis quæ videt abditis

Flamen, moratus plus ſolito, nequit

Cùm prodit, admirante turba,

Prodere, nec potis eſt negare.

*Quid deceat, quātū expediat, quo tēpore nūquā
Delige: permittas vt probet ipse Deus.*



DEO CONSVLÌ PERP. SAPIENTISS. S.

E S In

ODE SAPPHICA XXXV.

VIRGO, quam magni moderator orbis

Excipit charam, penitusq; raris

Instruit donis, propriam sibiq;

Deligit almus;

Omnibus, salve, numeris beata;

Nam tui proles uteri supernis

Viribus præstans misero salutem

Proferet orbi.

Vnus ex certis superum ministris,

Hæc Galilæa retulit puella,

Cui parem nullis habuere mundi

Tempora seclis.

Illæ se tantis referens minorem

Laudibus, causam stupet, atque supplex

Postulat magni veneranda verbi ar-

cana doceri.

Atque ubi summi didicit parentis

Mentem, & occultas operantis almi

Spiritus vires, seriem, modosq;

Audiit ardens;

Nil moror, dixit, Domine o colendum

Gentibus nomen, tibi me tuisq;

Protinus certam tenuisse dictis

Annue felix.

*Quis sic Virgo Deum propriū tibi, sicq̃ benignū.
Præstitit? eximia in simplicitate fides.*



DEO ELECTORI SACR.

In

ODE TRICOLOS TETRASTROPH. XXXVI.

VT vultus roseæ virginis aureos
 Vxor Lenitici Pontificis videt,
 Segni cuius in aluo
 Vatum flos latet abditus:
Vires ætherei pectore flaminis
 Persentit placidis vocibus excita,
 Pacemq; hospitis almæ
 Gratis laudibus excipit.
Que tam fausta mihi munera numinis
 Vltro, non meritis hospitiiis Dei
 Adduxere parentem,
 Dignam calicolum domo?
Ergo sacra tuam diua modestiam
 Anger tanta etiam gloria? cui scio
 Nullam in matribus esse,
 Nullam in virginibus parem.
Nempe immensa Dei pignora talibus
 Consistunt potius sedibus, inuidas
 Aversata potentum,
 Magnatumq; superbias.
Nam quod tu facili pondere perferas,
 Quem nec sustineant sidera, nec queant.
 Percepisse patenti
 Mundi mœnia cardine:
Effecit vacuum fastibus & dolo,
 Contemnensq; sui pectus, & ignea
 Semper docta, superno
 Consentire fides Patri.
Agnosunt utero quem foveas tuo,
 Testanturq; nonis vocibus omnia,
 Valles, flumina, sylvæ
 Quocunque extuleris pedem.
Quin ipse officij numeribus mi
 Gratus lætitiâ personuit piam.
 Aluo quem gero fœtus,
 Et mentem cumulat mihi.

PIETATIS CONCORDIA.

*Gaudia, diuitiasq^{ue} Dei communia multis
Esse cupit, quisquis numinis instar habet.*



FOEMINAR. SANCTISSIMÆ P.

In

In tabulam Ioannis Baptistæ.

CARMEN DICOLON TETRASTRO-
PHON XXXVII.

ASTRUM nascitur insito
Fulgens lumine, quem Deus
Solis paciferi indice m-
Terris præstitit almus.
Hunc in montibus arduis
Exanguis in senio parens,
Mirandis puerum & modis,
Mirando edidit ortu.
Salutis ferat ut noua
Lato tempore nuntium,
Et testis bona gratiæ
Magna secula monstret.
Vos quæ diligitis Deum
Matres, vos quoque virgines,
Infanti properè nouo
Laudum nectite farta.
Nec componite mollius,
Quamuis membra tenerrima;
Assuescat, sinite, aspero
Jam nunc vita labori.

AVRO-

AVRORA DIEI NVNTIA.

*Dona Deus quanto soleat splendore parare,
Si quisquam obseruet tempora, testis erit.*



DEO PROSPECTORI SAC.

In

NATVRÆ HVMANÆ NENIA
XXXVIIII.

VIRGINEO splendens infans ut produit aluo,
Atque illasa dedit templa pudicitiae:
Qua iam uteri intacti stupuit NATVRA tumorem,
Nunc pauet inscilitum lata puerperium.
Atque nouum mirata genus, variis quoque gaudens,
Blandidulos fertur concinuisse modos.
Excellis mea iura puer, quod gigneris, aut quod
Nasceris; at meus es quod puer & tener es.
Ergo me superas, sine me qui nasceris infans.
Quod si me superas, es puer ergo Deus.
O puer & certè Deus, ô mihi iungeris, ut te
Partibus excipiam, muneribusq; meis.
O Deus, & verè puer, ô tibi iungor, ut aucta
Amplius ipsa tuo numine perficiar.
Accipies ex me curam puer, atque labores,
Mortis onus (tibi sic quod placet) accipies.
A te ego, sed pacem Deus, accipiamq; salutem,
Et posse aeterna rumpere vincla necis.

SOL IVSTITIÆ EXORIENS.

*Intenebris fulgens lumen diuināq; dona
Simplicitas cernit: non videt ambitio.*



HVMANÆ SORTIS SVSCEPTORI DEO HOMINI S.
F In

ODE TRICOLOS TETRASTRO-
PHOS XXXIX.

QVIS te, sancte puer, flere doloribus
Maturis docuit? scilicet ethere
Descendisse iuuabat,
Ut discas gemitus novos?

Sed tu de patriis sedibus omnium
Spectator fueras, quos patitur genus
Nostrum sidera subter
Ærumna miseros modos.

Ergo sponte venis præsciis, & cupis
Riuos purpurei fundere sanguinis,
Non ut cinibus athræ
Nomen connumereres tuum,

(Nam tu perpetui regna tenes Dei:)
Ast ut propositis legibus audiens,
Serui munere functus
Adscribas homines polo.

Fies perpetuis ex humili loco
(Quem tu sponte subis) laudibus altior
Cælo; terræq; nomen
Infernusq; tremet tuum.

CHARITAS NIHIL RECUSANS.

*Quæ tu hominũ puro sanctur⁹ fœdera cordi es,
Hæc in carne tua commemoranda subis.*



PRINCIPI SVMM. PRO REIP. LIBERTA-
TE SERVIENTIS. F 2 12

Intabulam adorationis Magorum.

ODE TRICOLOS TETRASTROPHOS XL.

VT Pisgha in altis aetherei iugis,
Selmonis aut de culmine candidi
Surgentis aurora salubris
Conspicitur prior usque fulgor;
At quisquis errat vallibus infimis,
Caliginosis nubibus obsitus,
Hic nocte in atra nescit amens
Purpurei radios diei:

Sic dum Tyrannum cum populo leui
Exercet amentem ambitio impia,
Præsentis aduentum salutis
Non Solyme malè cæca sentit.

Sed qui remotos Persidos incolit
Parthosq; tractus, hic alienior
Splendoris exortum sereni
Prospicit, & veniens adorat.

Ostensus astri latior aurei
Non antè fulgens stellifero in polo
Conspectus ignis, innotandi
Auspicium referebat orbis.

Ergo peractis iam spatiis via,
Contingit hospes mœnia nuntius,
Qui dicat aduenisse regem,
Gentibus & populis colendum.

Quem mox repertum latior & Magnus
Miratus, ultra quàm soleat puer
Mortalis, ostendisse sanctum
Vultum oculis animoq; cernit.

Hinc pronoluto pectore & oscula
Infantis addens tum pedibus noni,
Testatus aduenisse numen,
Munere tergemino salutat.

*Quae colit, agnoscitq; Deum, sapientia vera est.
Quem latet hoc, rudis est, quālibet alta sciat.*



DEO IMMORT. HOMINI VERO REGI
LIBERATORI S.

In tabulam Iosephi in Ægyptum commigrantis.

ODE DICOLOS DISTROPHOS XLI.

D I C mihi quò tenellam
Virginem (nam virgineum conspicio decorem)
Frigore seniente,
Hospes incessu fugiens sic properante ducis?
Quod pueri decori
Nomen est? cur surripis hunc aethereo parenti?
Namque tuum puellum
Esse mortali genere progenitum refutant
Digna Deo tonante
Ora maiestasq; oculis in teneris renidens.
Quam nemus & silentes
Vocis alma vim venerantur, capiuntq; sylva,
Attonitumq; flumen
Sistit undas precipites blandifono susurro.
Vera rogas; perennis
Est Deinatus puer; intactam habet is parentem
Virginem: ego huic ut illi
Traditus custos moritis aligeri ministri
Mœnibus è cruentis
Pignus en sacrum abripio, ne violet ferocis
Inuida vis tyranni,
Ad Phari abiunctas properando procul exul oras:
Pignore quo salutem
Sperat humanum genus, & quo reparanda primi
Damna parentis, & qua
Dona nobis Numen erat pollicitum benignè.

DIVINA TUTELA.

*Præsidium in mediis Deus inuenit hostibus huic qui
Sese habet; à patria sit licet exul humo.*



PRINCIPI OPT. PRO SVIS EXVLANTI S.
IN

In tabulam Iesu in templo reperti.

ODE TRICOLOS TETRASTROPHOS XLII.

*DVM virgo casti sollicitis viri
Adiuta curis, querere filium
Desideratum condolenti
Voce rogans loca cuncta lustrat:*

*Fulgente solis lumine terti,
Templi in reductis adibus inuenit
Inter senum eruditiorum
Non tacitum puerum cathedras.*

*Confusa circum turba stupentium,
Responsa fixis combibit auribus,
Mirata maturum loquentis
Consilium ingeniumq₃ princeps.*

*Que tanta vis, quid pectore numinis
Calestis, aiunt, in tenero latet?
Quis verba deuoluens diserta
Spiritus ore mouet tenello?*

*Miranda certè audiuimus omnia,
Quondam neq. ipsis nota Prioribus.
An ne? hunc putemus hac magistro
Ex homine aut didicisse libris?*

*Atqui & profundis consiliis Dei
Præsens videtur nunc animo frui,
Inde & relatos explicare
Quos rogat insinuatq₃ sensus.*

*Aut illa calo, non nimium diu est,
Mens venit, artus induit & nouos,
Vocesq₃ promens efficaces
Se puerumq₃, Deumq₃ præbet.*

*Diuinae studium Sophiae pulcherrima vite
Esse, puer, nobis munera, sancte, probas.*



DIVINITATI EMICANTI. S.

In

ODE TRICOLOS TETRASTROPHOS XLIII.

VOCem, salutis quam fore nuntiam
Dixere priscis temporibus pi
Vates, Iarden obstupenti
Flumine percipit usque primus:

Quando efficacis fulminibus soni
Commotus omnis contremuit locus,
Quacunque distinguunt iacentes
Æquora Gilghediusq₃ terras.

Hanc & colonus gentibus impiis
Vicina iungens prædia, combibit
Non aure surda, hanc ipsa Iuda
Posteritas, Solymumq₃ ciues.

Deducta calo tempora gratia,
Mistas & altis pollicitis minas,
Mirantur omnes, ac loquentis
Vultum habitumq₃ hominis seuerum.

Namque is fidelis credita munera
Legatus, alti & consilium Dei
Dum præco complet, nec potenteis
Suspicit aut metuit tyrannos:

Ostendit vnâ & perpetuam sibi
Curam, docendo sistere deuos
Ad limen angustum salutis,
Atque ducem cecimisse certum.

Oblata non huic gloria commouet,
Non durus ensis propositum graue;
Id quippe monstrabat seueræ
Frontis honosq₃ habitusq₃ vitæ.

LVCIS DIV CORVSCATIO.

*Certa reducendis animis pereuntibus atque
Clara via est, morum cum probitate fides.*



SALVTIS NVNTIO GRAVISS. P.

In

In tabulam Christi in Iordane baptizati.

ODE TRICOLOS TETRASTROPHOS XLIII.

QvÆ fæſta lux hæc , dicite montium
Sylvæ ? quid alto gaudia perſonant
Clamore rupes , quas imago
Percipit , ingeninatq; voces?
Quæ tanta præceps pennigerum genus
Exercet aliſ cura micantibus,
Cæli per oras atque acutis
Cantibus inſtrepitare cogit?
Iam geſtientiſ lætitiæ decus
Quæ cauſa nuper proferat audio,
Trini quod inſpectanda terris
Numiniſ emicuit poteſtas.
Hic nam nitenti lumine ſpiritus
Delapſus alti culminibus poli,
Candentiſ aſpectum columbæ
Præbuit , auricomumq; lumen.
Et vox ab æthra perſonuit patris
(Quam denſa ſylvæ contremuit coma)
Audita , præſentemq; natum
Dicere , & hunc populis magiſtrum.
Hunc , quem neque alti conſcia numiniſ
Natura noſtrisq; ulterius modis
Virtuſ refulgens adminiſtrum
Eſſe hominum generi retardat.
Hic ſe minori ſubdidit hoſpiti
Amne abluendum , puruſ & innocenſ.
Nec ipſe quaniviuſq; compoſ,
Id quod erat , tamen efferebat.
Illum ſtupenti fluminis alveo
Gaudenſ Iarden ſuſcipit , humiduſ
Complexuſ vlniſ , & loquaci
Murmure concelebranſ ſalutat:
Et quæ ſecundo perfluat agmine,
Sacrata denſo membra volumine
Circundat hærenſ , & priorẽ
Vnda ſequenſ premit invidendo.

*Non decus ipse suum iactat natus; pater ipsi
Adscribit: vera hac gloria, nulla prior.*



CHRISTO DEI FILIO PRONVNCIATO S.
In

In tabulam Tentationis.

ODE DICOLOS DISTROPHOS XLV.

*SYLVIS in mediis agmina calitum
Cernebam famulas adproperantium
Exercere vices lataq³ floridis*

Mensis fercula ponere.

*Dumq³ ipse insoliti contremo muneris
Spectator ardens discere, maxima
Causam latitiae, cuiq³ decus nouae*

Cæna præniteat, rogo:

*Vnus pennigerum de iuuenum choro,
Scitanti hac alacri pectore reddidit,
Cui mox tota cohors per iuga montium*

Blandis accinuit modis:

*Hic iudex superum maximus excipit
Natum Nazaridos virginis, & suum,
Quem nunc tergemini gloria frondibus*

Victorem decorat sacrum.

*Hunc nec longa fames, tesqua nec aspera
Monstrorum horrificis densa cubilibus,
Non horror gelidae noctis amabili*

Intentum alloquio ad patrem

*Turbauit: sed & hic sustinuit volens
Vsque inuicto animo praelia, quæ ferox
Tentator solitis artibus, ac dolis*

Audaci intulit impetu:

*Qui partem superum traxerat insolens
Fallaci studio præcipui loci,
Cui primos homines seclaq³ postera*

Vnum subdiderat nefas.

*Nunc victus triplicis pondere prælii
Vertit terga gemens, armaq³ & omnibus
Posthac discipulis expositas vias*

Vincendi dolet improbus.

*Legitimè certare queas, & viceris hostem
Instructus verbis consiliisq; Dei.*



CHRISTO DVCI INVICTISS. S.

In

ODE SAPPHICA XLVI.

QVÆ pater mundo posuit recenti
Intra sacrati thalami deditq;
Iuncta concordi sociare vite

Munia lege:

Illa presenti patris ipse natus
Numine antiſtes decorata, firmat,
Fauſtus & gratas epulas benigno
Comprobat uſu.

Sic & arcanis ſociare tadis
Gentis humane genus expetitur,
Et ſibi magnis emere adiugandum
Dotibus ardet:

Poſſit ut noſtra recreata gentis
Iuncta diuino ſoboles marito,
Splendidi ſedes habitare cali
Regnaq; diuûm.

Prima miratrix Galilea Canas
Obſtupet teſtis renouata rerum
Munera, & magnum probat eſſe Ieſu in
Pectore numen,

Dum uidet certas variare formas,
Iurat & priſci latices Noachi,
Fonte quas nuper vitreo fluenteis
Hauſerat undas. -

*Sordet quicquid habet mūdus cū munere Christi
Collatum; nec iam quæ placuere valent.*



CHRISTO CVRATORI BENIGNO S.

G In

ODE DICOLOS TETRASTROPHOS
XLVII.

PRODUCTVM populis de sapientia

Patris consilium filius incipit

Enarrare, bonus dicere & algida

Dictis vrere pectora.

Nam qualis calido lumine ab ætheris

Alta sede humiles sol penetrat domos

Terrarum, variisq; exagitat potens

Tentatas species modis;

Cum plumbi & chalybis grandia semina

Concresecunt validis acta vaporibus,

Sed cere faciles & tenera niues

Decursu fluido liquent:

Talis sermo Dei mentibus inditus,

Obdurata premens æra superbiæ,

Marcentes animos sed dociles fouet

Vite munere prospero.

Non cæca ambitio, non amor improbus

Rerum quas studiis appetit ultimis

Vulgus, non animi luxuries capit

Sancti commoda nuntij:

Sed quos dura hominum sollicitant malæ,

Vel vitam puduit ducere turpibus

Infectam vitiis, vel timor obligat,

Cura & iustitiæ tenet.

Hi (quanquam exiguum) pectore viuido

Semen concipiunt quod cumulos creat,

Queis æterna parens horrea compleat,

Et diuim exhilaret choros.

*Quas fugitat mundus rerū sunt cōmoda tanta?
Sic est: sed stultis non sapit ista seges.*



SIMPLICIUM DOCTORI OPT. S.

G 2

In

ODE XLVIII.

SÆCLORVM veterum, præscripto ex ordine, finem
Certa Deo voluentibus annis
Tempora protulerant; hominum quoq₃ magna per orbē
Strata seges matura iacebat;
Agricolam iam cana suum cū terra vocaret,
Et falcem expectaret acutam,
Redderet ut fœtas seruandi farris aristas,
Sed culmos quoque rursus inanes:
Tunc Domini messis natus, summusq₃ minister
Orbis imago auctorq₃ nouandi,
Selectorum operi tanto, duodena virorum
Ora tuens, sic fatur amicē.
O mihi præchari comites, sociiq₃ laborum
Arcaniq₃ sacraria magni,
Non vos parua manent discrimina, vertere missos
Terrarum moremq₃ modumq₃:
Queis maris horridi fluctus, ac dura viarum
Sunt adeunda pericula sæpē:
Non ut Erythræas gemmas, ostrumq₃ superbum,
Numorumue paretis acervos;
Sed magis ut nudi atque inopes, patriaq₃ remoti,
Vexati, instabilesq₃, vagiq₃
Ulpibus infestisq₃, lupisq₃ rapacibus, agni
Imbellēs, blandeq₃ columbæ
Sitis, lux tenebris, nimiumq₃ furentibus agris
Fomentum mediciq₃ fideles.
Ite igitur fortes, & me duce & auspice magni
Consilium curate parentis.
Æthereas sperate & opes, æternaq₃ sedis
Sceptra mea, & conuiuia mensa.

LÆTISSIMA ORBI LEGATIO.

*Fortia debilibus superantur, maxima parvis:
Viderat hoc demens mundus, & obstupuit.*



MAGNI CONSILII NVNTIO SVMMO S.

G 3

In

In tabulam Christi turbas pascentis.

ODE TRICOLOS TETRASTROPHOS
XLIX.

EXPLETA mensis turba capacibus
Non antè viso munere ferculi,
Cognouit eterni magistri
Quantum agitet, valeatq; cura:

Cùm panis atri, & quæ facile puer
Perferre possit pondera piscium,
Crenisse Christi partientis
In manibus stupefacta cernit.

Cibos an ipsos diuidat, an magis
Masse imparatam materiem creet,
Cognoscere haud queunt ministri,
Ferre onera, & renouare lassè.

Seruanda cœnæ quæ fuerant super
Dum frustra iussi expendere, colligunt;
Mirantur impensam negantes,
Compositum cumulum canistris.

Et iam palato multiplici satur
Conuiuia, iurat nil sibi dulcius
Sedisse transactos per annos,
Nil melius potiùsue vite.

Quis non malarum stulta cupidinum
Deponit ardens & studia, & graues
Curas habendi, si benigni
Verba anido bibit ore Christi?

PROVIDENTIA CERTISSIMA,

*Si potiora Deum poscas, nihil indigeas : si
Deteriora petas, nil satis esse puta.*



HVMANÆ INFIRMITATIS CVRATOR. S.

G 4

In

In tabulam Lazari ab inferis reuocati.

ODE DICOLOS DISTROPHOS L.

VIRTUTIS alta publicum spectaculum
Christus daturus iam suis;
Docturus & quantum ardeat mortalibus
Afferre vitam perditis:
Vinci suum absens pertulit charum caput
Lethi sopore Lazarum,
Dum notus esset gentibus casus viri
Signum futuri viuendum.
Cui membra tabo rancido fœdauerat
Quartus sepulta Lucifer,
Hic efficaci percitus Christi sono,
Quem mors & inferi expaueant,
Surrexit atro de sepulchri carcere,
Lethi remissis vinculis:
Testatus ardens ferre quid possit fides,
Quid donet & nato Deus.
Nato & salutis nuntio, quem temporum
Prospectat ordo principem,
Ipsi quoque orbi iam senescenti malis
Latos tributurum dies.

FIDEI

*Nō moritur quē Christ⁹ amat, potiusq̃ quiescit.
Ille citò, quem vult, euigilare facit.*



VITÆ AVCTORI EFFICACISS. SAC.

G 5

In

In tabulam Christi regis Ierosolymæ declarati.

ODE SAPPHICA LI.

PV LCHRIOR nunquam, licet vsque fastos
Iebusum à priscis repetas colonis,
Sol prius luxit Solymum beata auz
Gratior urbi;

Quàm peroptatis ubi tempus annis
Obtulit magni faciem videndam
Regis, arcano cecinere qualem
Carmine vates.

Cui dedit nutu pater efficaci
Pellere infandæ mala damna fraudis,
Et noua ingrato retulisse mundo
Sacula vitæ.

Hunc ut exceptum populi valerent
Cernere, & certis celebrare signis,
Vexit insuetus iuga ferre lentæ
Pullus a sellæ

Principem, non ut quibus intumentum
Folle ventosum vitiosa pectus
Urget, infestis populo, cupido
Ambitioq;.

His potestatum specie superba
Arrogat laudes metus, atque honores,
Multa mentitos malè blandientis
Munera linguæ.

Huic sed æternos meruere plausus
Dona doctrinæ memorata diuic,
Atque morosis medicina præsens
Addita morbis.

Vidimus castos pueros canoro, ac
Virgines Regem coluisse versu,
Et salutare meminisse, & alto ex
Aethere missum.

Quin & in fonteis oleæ virentis
Pacis auctori pia turba frondes
Spargit, & vestes properat, cupitq;
Sternere eunti.

Nam probat sanctum potiusq; dignum
Euehi iunctis humeris colentum,
Quem Deus terris iubet esse regem,
Pontificemq;.

SALVTIS PROPOSITIO.

*Christum sponte tibi venientem suscipe mitem,
Si non suscipias, experiere grauem.*



REGI LEGITIMO DECLARATO S.

In

In tabulam cœnæ Domini.

ODE DICOLOS DISTROPHOS LII.

EXPECTATA diu, sibi

Atque optata noui ex orbis origine

Cœna ad fercula mystica

Conuiuas homines sollicitat Deus;

Quales agmina calitum,

Si possint, epulas inuideant viris,

Admirata minoribus

Grato munifici consilio patris

Tantum terrigenis decus

Et deducta polo munera porrigi.

Nam quæ ritibus annuis

Abrami soboles festa peregerant,

Contestata iugum graue, &

Depulsos dominos, & miserum metum,

Eua siq₃ maris diem,

Extinctasq₃ minas fluctibus impias;

Veris nunc eadem modis

Instaurata nouat, qui patris integrum

Consors imperium tenet,

Qui vitam proprio numine sufficit,

Defectumq₃ animat genus.

Hic sese gregibus dum esurientium,

Arcani specie latens

Panis, suppeditat; dumq₃ rubentia

Vini pocula sanguine

Occulto at proprio præbet auentibus,

Quicquid mentibus improbus

Ac membris coluber subdiderat mali,

Et quam scire malum petens,

Mater perniciem fuderat inuido

Fataliq₃ nepotibus

Pomo, visceribus corrigit intimis;

Et leihi remouet iugum,

Et dat posse bonis perpetuis frui.

CELATVM SECVLIS ARCANVM.

*Has epulas, queis vita Dei, queis munera Christi
Conciliantur, ames, si sapis; ut capias.*



DEI BENIGNITATI ADMIRANDÆ S.

In

In tabulam Christi ad victimam ultro oblatis.

ODE TRICOLOS TETRASTROPHOS LIII.

Q V I solus omnes immeritus luat
Noxas parentum, & crimina posterum,
Nunc agnus orbi postulat,
Ipse animam inguluniq; præbet.

Namque antè priscis ritibus hostia,
Quæcumq; cultros imbuerant sacros,
Nec crimen expedire nostrum,
Nec poterant mala dimouere:

Non si secundo à sideribus die
Armenta, quotquot vel pecudes tulit
Tellus, ad aras obtulisses
Ignibus assiduus calentes.

Nam quæ sub alti cardinibus poli
Humana præstet munia quadrupes?
Vel mentis exæquet valorem,
Vel pretio solidante ponat?

Vras auaris ignibus omnia
Omenta semper, non veteris tamen
Consumis unà & membra Adami,
Semina vel malè nata tollis.

Quid quòd nec illis vinida spiritus
Concessa vis est, qua valeant semel
Exincta respirare in auras,
Atque nouam repetisse lucem?

Possent recepto munere quamlibet
Extare, & artes induerent nouas,
Non illa partes attulissent,
Aut animas redimere nostras.

Atqui vetustis debuit artibus
Occisus æquas pendere noxius
Pœnas, & exurgens probanda
Iustus homo rediisse vita.

Ergo efficaci munere duplici
Instructus agnus, quiq; valet mori;
Rursusq; viuens emicare,
Atque sibi sociare mundum;

Hic, (omne nostrum qui superat genus)
Firmat volenti & consilium Dei;
Et sponte productus, nocentum
Facta hominum subit expianda.

PUBLICA VICTIMA.

*Maxima mortalis qui ferret pondera culpæ
Asportanda, unus Christus & Agnus erat.*



SACERDOTI ÆTERNVM VNCTO S.

ODE DICOLOS TETRASTROPHOS LIV.

NON tam densa bonus credere Gedeon
Villis exposuit vellera candidis,
Nocturno penitus rore madentia,
Queis tellus sitit inuidens;
Nec tot sicca iterum combibit area
Diffusas nebula munere roscida
Stillas, quæ domitos exigua manu
Hosteis præmoneant duci,
Quàm multis hominum criminibus tener
Agnus comprimitur, qui subit omnium
Culpas immodico pondere plurimas,
Humanumq; refert genus.
Dum iusti memores numinis expedit
Iras atque odium, dum veterem parat
Offensam generis suscipere, ut graueis
Pœnas iustitiæ luat:
Ille & indicij conscius ardui,
Et quantis voneat criminibus caput,
Quas explere petat vulneribus minas,
Horrens procidit & pauet.
Horret parte sui pronidus altera,
Quæ nec nempe mali nescia, nec boni,
Sed mens exuperat certa sequi graue
Magni consilium patris.
Hic dum pressa hominum criminibus tremunt,
Et mentis properant imperium sequi,
Permanant fluidis membra cruoribus,
Et sudore madent truci.

PVBLICI DEBITI GRAVITAS. 7

*Eheu corda graui nimium sunt pressa sopore,
Pro quibus hîc orat Christus & aduigilat.*



HYMANÆ MISERIÆ SYSCEPTORI S.

H In

ODE DICOLOS DISTROPHOS LV.

COECO carcere prodita
Nocturna tenebrae precipites eunt,
Terras qua temerent magis,
Et mergant veteri cuncta voragine,
Quam cum procubitu vago
Celabant pelagi confluvium rudis.
Hinc tantum sceleris feri,
Infandumq; nefas concipiunt vaga
Noctis tartarea agmina,
Vrsorum catuli & germina vulpium,
Infidumq; genus lupi:
Dum stricta iniiciunt vincula perdit
Miti agno aetherei patris,
Quem diris lacerant ictibus, & trahunt;
Intentum penitus mori,
Et prodesse etiam carnifici suo,
Illum si tamen efficax
Permutare notet non refugum cruor.

*Traditur à seruo dominus, cui nō grauis est tam
Quòd prodit, quàm quòd proditor ipse perit.*



ODE DICOLOS DISTROPHOS LVI.

EH EV scelestis caca mens mortalibus
Et culpa dira consciis!
Quid non nefandi concipit praeceps mali,
Quid criminis non suscipit?
Simul tenebris obuoluta turbidis
Veri refugit lumina,
Et blandienti capta sorte commodi
Praesentis in praeceps ruit.
Namq; & senator & sacerdos altior,
Et scriba legumq; arbiter,
Errante plebe doctor insolentior
Sese suosq; perdidit,
Dum missa dono Patris almi pignora,
Agit ream prolem Dei,
Salutis ampla qui ferebat pontifex
Promissa rebus efficax.
Hunc parricidis orta turba viperis,
Illudit indignis modis,
Postquam furentis voce turpi flaminis,
Damnauit amens concio.
Et ora Soli percolenda fulgido
Vesana deturpat manus:
Ac verba ridens miscet insolentia,
Quae dictat infernus furor.

VIRTVS MVNDO INVISA.

*Contemnit damnatqꝫ suam malè sana salutem
Turba hominũ, postquàm decidit in tenebras.*



INNOCENTI PRO SCELERATIS DEVOTOS.

H 3

In

ODE DICOLOS DISTROPHOS LVII.

QVONAM scelestâ turba non dignis virum
Vinclis reuinctum proripis?
Nam nec cicutæ temperator impius,
Nec cæde famosus latro,
Nec qui parentis adibus flammâ tulit,
Tantos furores excipit.
Vix ista sana fert tumultus inuidi
Exempla, qui negat Deum:
Vel qui deorum abominanda numina
Ausis prophanis consecrat.
Qui sancta legis abrogat volumina,
His debet excludi modis.
Ast hic salutis certus alma nuntius,
Amica mens mortalibus,
Hic expetitus antè cunctis sæculis,
Promissus atque vatibus;
Matura missus nunc referre tempora,
Fructusq; dignos poscere;
Hæres colonis execratus improbis
Fundo è paterno pellitur:
Fundo probatis quem noua arte vitibus
Diuina plantarat manus;
Heu pernicious fraude gentis, & dolo
Exclusus extra vineam,
Vrsis premendus, & feris leonibus
Dilancinandus traditur.
Sed horret atrox gentis impia nefas,
Fera ipsa, & vrgetur tamen.
Inuita verbis cogitur minacibus
Seuire in agnum innoxium.

*Vtrique infamis populo cū factus Iesus,
Curabat populi res vtriusque tamen.*



AGNO A LVPIS LEONI OBIECTO S.

ODE TRICOLOS TETRASTROPHOS LVIII.

I V S T V M & suorum fraudibus inuidis
In mortis actum crimen ut audiit,
Non prator audebat nefando
Iudicio temerare Iesum.
Exlex & atris noctibus undique
Septus Tyrannus, fas tamen inspicit
Et iura perpendit profanus
Pontificum melius cathedris.
Ille innocentem perdere transferens,
Declinat acti iudicium rei,
Causamq; deuoluit tyranno
Quem Galilum populi timebant.
Hunc nec paternæ exempla ferocia,
Nec tuta nusquam cura tyrannidis,
Nec regis illud nomen uncti
Iudicium temerare cogunt:
Postquam superbo insserat ambitu,
Et curiosa mente poposcerat
Spectator ac vellet probare
Signa modis celebrata miris.
Sed Christus alta sceptrâ potentia
Vultu se uero despiciens, tacet,
Et vana poscentem silendo
Improbat, imperiumq; temnit.
Ergo Latini ad iura Palatii
Fastidientis munere principis,
Et veste derisus nitenti
Opprobrium tulit ipse nostrum.
Probrisq; fœdis pressus, & arduo
Sensu dolorum, non tamen immemor
Prodesse, iungit dissidentes
Numine conciliatq; reges.

INNOCENTIA SPECTATISS.

*Quot testes habet ex populis innoxius agnus,
Ingratum mundum tot premet arbitriis.*



HUMANÆ CAUSÆ PROCVRATORI
FORTISS. S.

OPE DICOLOS DISTROPHOS LIX.

QVID sanctum Iesu corpus atque innoxios
Artus adurris carnisfex?

Quid membra, quarto puriora sidere,
Plagis cruentis inficis?

Non tantus unquam stirpis incense fragor
Auditur altis montibus,

Nec denolutus in supina marmora
Imber, ferit frequentius.

In me furentem verte si sapis manum,
Et terga cade noxia.

Namque ipse lene legis excussi iugum,
Iussa ipse perfregi Dei:

Heu quanta dignus vincla perferre & necesse
Et flagra dura perpeti.

Sed istud, atro quod cruore pernotas
Maiora laturum, caput

(Cui cuncta magni turba præfulgens poli
Addicta paret nutibus,)

Contracta noxa crimina expiat mea,
Irasq; placat vindices.

Vides ut alto perferat silentio

Quæ sævus addis verbera?

Atqui efficaci deprecatur is tuas

Measq; pœnas vulnere.

PACIS HVMANÆ DISCIPLINA.

*Vritur ardenti tortoris verberare Christus,
Quem magis humani torret amor generis.*



IGNOMINIÆ PVBLICÆ SVSCEPTORI S.

In

ODE DICOLOS DISTROPHOS LX.

QVÆ pestilentis, heu, furoris pocula
Deprompta ab inferno lacu,
Malo remixta viperarum sanguine,
Spumaq; tabida aspidis,
Incontinente fauce traxit inuidum.
Vulgus ferens Belsebo?
Quid non furentis caca turba consili
Admittit, atque criminum?
En cuius altæ summa laudis arbitri
Credatur usque calculis?
Quisnam repentè vos probata compulit
Mutare testimonio?
Aut quæ nouandi spes amata commodi
Vestris inarsit mentibus?
Sic improbato regis almi numine
Optare turpe dedecus?
Optare culpam sanguinis, nec omine ex-
cepisse posteros grani?
Quem nuper amplis plausibus susceperat
Regem Deumq; creditum:
Quem de paterna sede missum dixerat
Summæ salutis principem,
Experta magnis efficacem fructibus,
Verbisq; veracem bonis;
Huic turba lymphis innatante cortice
Et vilis & levis magis
Audet latronem pratulisse perfidum,
Agnumq; postponit lupo.
Et non profanæ plebis heu sententiam
Mens doctæ calitus oderit?

*O mēs laua hominum quæ pignora certa salutis
Postponis damno dedecoriq^{ue} tuo.*



HÆREDI ÆTERNO A SERVIS EXPLOSO S.

In

ODE DI COLOS DISTROPHOS LXI.

QUE M maria & venti metuunt, quem lucida cali
 Agmina perpetuò venerantur,
 QUem vitæ pacisq; àlma lucisq; beata
 Pontificem fontemq; perennem
 Credimus, & natura probat responsaq; prisca,
 Atque index certissimus usus:
 Idem hominum scelere infami atque immanibus ausis
 Dum tenebra viguère maligna,
 Heu facinus, patria depulsus ab ade, profanis
 Obiectusq; leonibus, ecce
 Funeſto ligno grauis opprobriisq; proteruæ
 Lingua, cuncta venena vomentis,
 Ducitur ingrato populo inuisusq;, sacerq;
 Infamis quoque fabula vulgo,
 Obscurisq; genis colapho effususq; cruore, &
 Sumptis toto corpore plagis,
 Vultu habituq; omni nimium mutatus ab illo,
 Certatim quem plausibus amplis
 Legitimè nuper Regem auctoremq; salutis,
 Vrbs Solymum venerata canebat.
 Nunc adeò veluti cunctis infensus, ab omni
 Læditur & perfert probra turba:
 Scilicet à cunctis caput hoc damnable noxis
 Mundus, iam video, dabat omnis,
 Deuotam & vario multorum crimine calum
 Hanc animam statuitq; petitq;
 Ac purus natura Agnus delicta suorum
 Nunc subit, & luiturus acerbò
 Vulnere, personam tenet execrabilis hirci
 Damnatus quem denouet orbis.

LVX INTER TENEBRAS.

*Artibus atque armis in te quæ mouerat hostis
Victus stultitiam sentiet ille suam.*



INNOCENTIAE PRO NOCENTIB.
TRADITA.

ODE TRICOLOS TETRASTRO-
PHOS LXII.

CERTVM *recenti ex orbis origine*
Firmatum & alta mente negotium,
Deliberata morte magnus
Explicat ac peragit Sacerdos.
Amissa vita munera perfido
Primiparentis crimine degener
Natura cunctis haud valebat
Artibus aut opibus referre:
Vita perennis lux nisi feruida
Lethi vagantis per miserum genus
Intraret horrendas tenebras,
Et caperet premeretq₃ victrix.
Auctor malorum tunc veterum draco,
Hami latentis faucibus additos
Perfensit uncus, dum paratam
Aggreditur temerator escam.
Ille & potentem iam malè prouidus
Prædam libenter linqueret, ac malè
Luclatus intorsit superba
Pectora conuoluitq₃ tractus.
Suspensa lignum membra doloribus,
Atq₃ effluenti sanguine conficit;
Nostram sed attentus salutem
Cogitat is, tacitusq₃ curat:
Donec probante hac pignora numine
Suffecit unam pro populo hostiam,
Irasq₃ sedauit tremendas,
Atque poli patefecit arcem.

SACRIFICIUM SVMMVM.

*Infamis suaveis fructus hac sustinet arbor,
Quæ vitæ possunt commoda certa dare.*



SACERDOTI MAXI. PRO POPV. LITANTI, S.

I

In

ODE TRICOLOS TETRASTROPHOS
LXIII.

QVALEM reuulsis frondibus a sculum,
Quam senu ventis bruma nivalibus
Orbauit umbroso nitore,
Terra parens doluit videndo:
Quam post remissis frigoribus breuis
Hora recepto robore viuendam,
Ramosq₃ crescentem priores
Sperat auens bene prodituram;
Namque illa firmis indita stirpibus,
Vires tenaci cespite protulit,
Qua uina subiecti caloris
Vis penetrat, recreatq₃ terras:
Talem dolenti pectore, & intimis
Perculsa virgo visceribus, truci
Demissa ligno membra nati
Conspiciens, gemit, atque fulcit.
Quem culpa nostri sanguinis & nefas
Omni carentem crimine presserat,
Floremq₃ delectum parenti
Contuderat furiata turba:
Ast efficaci numine compotem
Vitæ valentem munera mortuis
Præbere membris, & remotam
Corporibus reuocare lucem,
Tantisper almus dum veniat dies,
Et cedat atris nubibus obsita
Nox illa, defunctum labore
Certa fide genitrix manebat.

INIMICITIÆ COMPOSITÆ.

*Cuncta, Deus dixit, trado tibi, quòd mihi seruū
Tute ad mortiferam gesseris vsque crucem.*



INFEROR. EXPVGNATORI EXPOLIATO-
RI Q. FORTISS. S. I 2 In

In tabulam Sepulchri Epitaphium.

CARMEN ELEGIACVM LXIIII

MIRATVRA citò rediuiuum surgere corpus,
Marmorei silices antraq, parua tenent.
Pignore deposito multum ô felicia saxa, at
Pignore reddendo saxa beata magis.
Membra fouete hominis, quibus est nil purius vsquam,
Membra extincta hominis, viuida membra Dei.
Neu tabem, neu vos turpeis metuatis odores,
His procul ista malis est aliena caro.
Iam quod erat nostra culpa, mors eluit; ultra
Mortem pro nobis debuit ille nihil.
Nunc sibi (namque potest) vitam propriam ipse reponet;
Perpetuo & nobis viuere posse dabit.
Compositas igitur saxum hoc testabitur iras,
Et renouata orbi fœdera amicitia.

IESV NAZARENO PRO MVNDI NOXIS
OCCISO, REGNI CÆLESTIS HOMINVM
CAVSA ASSERTORI DEI FILIO VIVEN-
TI, HOMINI MORTVO EFFICACISS. SE-
PVLCH. NOVVM AD TEMPVS BREVE.
EX DIV. CONS. DESTINAT. EST.

HVMA-

*Pressa labore graui pugna dū membra quiescūt,
Expoliat Barathrum Spiritus & tenebras.*



In tabulam Christi resurgentis.

O DE SAPPHICA LXV.

I AM nono felix nitet orbis ortu,
Clara festinat solito priores
Iannas nato reserare prima

Nuntia lucis.

Cuncta sollennes variare lusus
Cernimus: dulci volucres Camœna
Personant sylvas & amicta verno

Prata nitore.

Quaę crudelem doliuere mortem
Nuper auctorisę hominum, suię,
Sidera obducto tenebrata celo

Ruptaę saxa,

Hunc vident vita reducem; cruenti &
Compotem belli, & grauis eminentem
Casibus lethi, meriti ac triumpho

Munere clarum.

Is breui magnos spatio labores
Perferens dura necis, ac sepulchri,
Victor & furnas Acherontis vnus

Diruit arces.

Inde funestum domitor tyrannum
Fraudibus parta minuens corona
Traxit, & regnum spoliauit amplum

Mortis amara.

Criminum auctrices furias, metusę
Visus aratis cohibere vinclis,
Efficax alma sociare mundo

Commoda vita.

VITA

VITA ORBI ALLATA.

*Vidit ut extantem Satan de funere Christum,
En, ait, hîc homines, non mea regna, novos.*



IESV CHRISTO MVNDI MORT. INFE-
ROR. Q. VICT. POTENTISS. S.

In tabulam Christi discipulis conspecti.

ODE DICOLOS DISTROPHOS LXVI.

IMPROVISA simul nigro lux ignea calo

Fulguris emicuit:

Turbatos horrore animos hiemisq; malignæ

Nubibus assiduâ

Extirret, trepidosq; oculos præstringit, & acri

Lumine sæpe ferit:

Vt quanquam certus radiant ex æthere fulgor

Sensibus incubuit;

Obreinebrata tamen suspensâq; lumina tristis

Tempora noctis agant.

Non secus occisi tempestas dura magistri,

Exanimisq; metus

Discipulos tristes effecerat, ut neque certis

Visa oculis Domini

Vel species vel verba novam testantia vitam

Perdoceant panidos.

Non haustu mens arcta hominum comprehendere primo

Munera tanta valer.

Illa tamen seu tarda putes ignorare rerum,

Cordane dura nimis

Multiplices usus, ventura in secula mundo

Expediere boni.

Nam quicquid fidei obiciunt errorq; metusq;

Ingenium vel inops,

Impietas, & suspicio malè credula veris,

Vel dolus illaqueans;

Omnia præsentis exemplo, iam testibus illis

Exuperata iacent:

Nec quicquam reliquum dubij est mortalibus ultra,

Credere quin valeant.

Quicquid prisca almo adscripsere oracula Christo,

Quicquid Apostolica.

Felices adeo, dubio quos exiit omni

Sæpe oculata fides.

Dicta Dei sed qui credit, felicior ille est,

Nec petit inspicere.

VERI-

VERITAS SPECTATISSIMA.

*Non viuum dubitate ultrà; sed credite, vobis
Posse dari per me vincere mortis opus.*



CHRISTO VIVEN. PERP. OMN. DOM.
APPELL. S.

ODE TRICOLOS TETRASTROPHOS LXVII.

EXPERS amara mortis, & hostium
 Victor, triumphis perpetuis potens,
 Solisq₃ peruincens nitores,
 Astra petit patriamq₃ Christus.
 Qui patris amplum sponte reliquerat
 Regnum, quietas & superum domos,
 Mortalis & vitæ labores
 Pertulerat vigilesq₃ curas:
 Celante numen corpore maximus
 Hospes, paratus seruitium graue
 Terris subire, atque inquietos
 Usque dies tolerare & annos:
 Et sumpta nostra sortis, & ordinis
 Incomparandis membra laboribus
 Intendit, exercetq₃ patris
 Nutibus, imperiisq₃ summi.
 Ergo peractis ipse periculis,
 Seruus probatis officiis bonus,
 Audire dilectusq₃ natus
 Promeruit, soliūq₃ consors:
 Presensq₃ nostris partibus addidit
 Virtutis, alti & munera nominis,
 Carniq₃ diuinos honores,
 Et proprium decus arrogauit.
 Miratur ardens discipuli cohors,
 Certo petentem numine sidera;
 Nubesq₃ subiectas prementem,
 Vix oculis celerem sequuntur.
 Regemq₃ cali suscipiunt suum
 Victoris auctum laudibus inclytis,
 Celsiq₃ plaudentes ministri
 Concelebrant hominem Deumq₃.

EMERITA GESTORVM GRATIA.

*Ipse via est, ductorq; bonus; qui venerat alta ex
Arce, redit, nobis ut paret ipse domum.*



CHRISTO TRIUMPHANTI S.

In

ODE SAPPHICA LXVIII.

QVICQVID optandum cecinere vates,
Principes quicquid cupidi petebant,
Attulit mundo celebranda Christi

Pontificis lux:

Clara lux flammis radiata miris,
Qua male extinctum renouavit orbem,

Quæq; deiectum leuat impotenti

Pondere Adamum.

Dextera Christus patris efficaci
Redditus, chara comitum caterua

Impetrat magnis meritis reperta

Flaminis almi

Dona: qua postquam sociata castis

Mentibus, mortem perimunt priorem,

Et graues noctis tenebras corusco

Lumine mutant;

Error & tristes fugiunt pauores,

Quæq; cor fluctu quatit inquieto,

Pacis infelix inimica sentit

Frena cupido.

Constat exemplo facilis benigno

Christus, & nostris eadem parare

Seculis, si quis meruit probando

Premia cursu.

HVMANI GENERIS RENOVATIO.

*Huius flāma animū penetrās quē corripit ignis,
Aurum fit, viles exuit & cineres.*



CHRISTO REGI POTENTISS. DITISS. LI-
BERALISS. HOMINVM DEIFICATORI S.

In tabulam Petri de Christi numine perorantis.

ODE TRICOLOS TETRASTROPHOS LXIX.

VIR ut minori præniteat viro,
Virtutis & quid, quid sapientis
Dihinus humano suorum
Spiritus ingenio reponat:
Ille & probavit, qui pauidus prius
Dignum magistrum laudibus, ac fide
Rogantis ad vocem puellæ,
Nosse hominem malè pernegabat:
Vulgaris & qui consilij potens,
Celoq; terræ commoda præferens,
Vitam daturum morte nostram
Stultus anet reuocare fœsum.
Postquam imbuentis munere spiritus
Mutatus, idem liquit inutiles
Curas, & accensus superno
Igne, noua nituit figura:
Fastus tumentes despicit, & minas,
Nec Christo iniquum concilium timet;
Turbamq; sermonesq; vulgi
Temnit, & imperium superbum:
Præsens docere & dicere feruidus,
Christum efficaci numine compotem,
Magnisq; sublimem triumphis
Æthereas decorare sedes.
Vnde & sequaces nobilitet suos,
Auctosq; magnis artibus instruat
Miranda narrare, & stupendam
Reddere debilibus salutem.

CHRI-

CHRISTI VIRTUTIS SPECIMEN.

*Anne vides, quàm magna valet; cui munere Christus
Obtigit immisso & sapere, & facere!*



CHRISTO IN PERPETVVM SALVTARI S.
II

In tabulam Sauli à Christo reuocati.

ODE DICOLOS DISTROPHOS LXX.

QUANQVAM *sæua furens lupus*
Rictus horridos ac sitientia
Fervens pectora sanguinis,
Eruetq; minas & rabiem trucem:
QUANQUAM *proposito gravi*
Impulsus, pecoriq; & populo pio
Infandum meditans, paret
Cedes, insidias, & trepidam fugam,
Actus stultitia & boni
Fallaci studij nomine percitus,
Cui dentes acuit truces
Vulgi, & mobilium gratia principum:
Mutatus tamen audit
Agri consilium, iussaq; mitia:
Sese & prabuit integrum
Propugnare greger, quos malè presserat:
Præco & nominis optimi,
Et qui signa sacra militia ferat
Inde ad progeniem feram,
Regesq; & populos & maris insulas.
Non illum retinet metus,
Non aut propositi cura tenax sui,
Mutati & studij pudor,
Postquam Nazaride iam monitis boni
Correptus melius sapit:
Cum præceps media succubuit via,
Mentemq; & rabiem malam,
Ac sese penitus deposuit gravem.
Tantum vertere præualex
Christi diua manus, duraq; mollibus
Mutans, fortia firmitus
Formare & melius pectora, si modò
Et veri & studis boni
Incensus, cupias falsa relinquere.

CHRISTIANÆ SIMPLICIT. VICTORIA.

*Ambitio, vanum studium, zelusq; superbus.
Exemplo hoc quicquid mundus habet, fileat.*



CHRISTO VINDICI EFFICIENTISS. S.
K In

ODE DICOLOS DISTROPHOS LXXI.

CONSILIIIS stabilita Dei firmataq₃ iustis,
 Dies paratur adferenda saculo,
 Exoptata piis, satis ac non credita pravis,
 Minace sæpe dicta voce vatibus:
 Quam neque terribiles valeant superare tyranni,
 Cauere turba nec superba diuitum;
 Quamq₃ animi laudent mites, despecta₃ mundo
 Sibiq₃ iuris usque corda conscia:
 Expositura dies sortes mercedibus equas,
 Modumq₃ rebus additura gentium.
 Hinc cpulæ semper dulces, & gaudia certa
 Piis feruntur expetenda premia.
 Illinc æternis subeunda incendia flammis,
 Nouusq₃ semper additus malis dolor.
 Hic læta superûm voces, laudesq₃ perennes,
 Choro beata concinente carmina.
 Ast illic turpes gemitus, luctusq₃ frequenteis
 Sonat furente mixta turba Demone.
 Hi fines rerumq₃ vices, aut premia diuæ
 Manent salutis, aut perennis exiti,
 Vel quos fas, pietasq₃ iuuat, vel perfidus error
 Utrosque rege indicante celitum.
 Vtram igitur placeat, nostrum est, contendere metam,
 Capax petatur, arcta seu magis via.

HVMANAR. RER. NECESSARIVS EXITVS.

*Qui timet hoc solium, felix: felicior illo est
Qui Christum regem non metuit, sed amat.*



CHRISTO REGI BENIGNISS. VLTORIQ. IVSTISS.

K 2 IVDI-

I V D I C I V M D. D O C T O R I S
Hunnæi Canonici Louaniensis Regij Pro-
fessoris Theologi ex Collegio censorum Lo-
uaniensium.

H V N C septuaginta vnus Odarum li-
brum ab eruditissimo viro Bened.
Aria Montano Doctore Theologo
& poëta laureato decantatarū, vnà
cum tota Monumentorum cōstru-
ctione diligenter perlectum & exa-
minatum, testor nihil habere quod
catholicum lectorem meritò offen-
dat, sed plurima quæ conducere Le-
ctori pio, eumq; oblectare poterunt.
Louanij C I O. I O. L X X I. X V I.
Kalend. Apriles.

Augustinus Hunneus
Professor S.Th. Regius.

IUDICIUM SILVESTRI PAR-
di Theologiae Licētiati, Canonici Antvver-
piensis ex Collegio Censorum Regia aucto-
ritate & Episcopali electione Antverpia
instituto:

Vnà cum Episcopi Collegij ipsius prae-
sidis confirmatione.

H A E C humanæ salutis Monumenta
docta sunt & pia, omnibusq; , vt in
vera religione exerceantur, perne-
cessaria. quare vtiliter imprimi pos-
se iudico. Datum Antverpiæ Ka-
lendis Martiis. An. M. D. LXX.
Itylo Brab.

Ita testor Siluester Pardo S.
Theologiae Licētiatus, Ca-
thedralis Ecclesiæ Ant-
vverpiensis Canonicus.

I D E M iudico & ego subscriptus,

Franciscus Sonnius Epi-
scopus Antverpiensis.

BENED. ARIÆ MONTANI
CARMEN VOTIVVM AD
CHRISTVM IESVM.

SI TV Christe mei munera carminis,
Nostri & vota probas pectoris abdita,
Laudes (namque potes) da pateant tuæ
Urbc̃m quâ veteri consocias nouum:
Notū ut fama meum nomen in ultimas
Oras Oceani deferat, aut decus,
Viresq̃ ingenij commemoret mei.
Nostrum quidquid id est, est leue, nec valet
Perdurare dies, vel mare, vel vias,
Quin victum penitus sorte cadat sua.
Sed, quod nostra sonant carmina, maximum
Nomen, quod superat sæcula; quod mare,
Quod terræ, barathrum, sidera quod colunt;
Quod præsentē domat fortia robore;
Quod deuota replet pectora numine;
Quod lassos recreat, quodq̃ fouet pios:
Hoc nomen numero non numerabili
Virtutum solidi ac muneris efficax;
In quo certa salus vitæq̃ publica est
Orbi nunc nimis ponderibus mali
Depresso & vitij criminibus grauis;
Hoc nostris celebre & carminibus sacrum,
Per nostros populos ferre per externos,
Diffuso & pelago quâ patet ambitus,
Decantare nouis vocibus expeto.

Nam

*Nam si magna semel munera nominis
Sint gustata tui; carmina concidant,
Et chartæ sileant, famaꝝ & ingeni
Vis nostri pereat: nominis at tui
Virtus visceribus, cordibus & piis,
Hærebitꝝ animis, quod neque temporum
Robur, nec minuant sæva tyrannidis
Tormenta, aut validis turma phalangibus
Quam multas tetricis conuomit ostiis
Sedes Tartarei turbida Principis.*

CHRISTOPHORVS PLAN- TINVS LECTORI S.



SIMVLAC ea, quæ à nobis nuper excusa
 sunt, Humana salutis Monumenta, à Be-
 nedicto Aria Montano excelsi ingenij viro,
 non minus eleganti quàm docto Poëmate
 cōscripta ad multorū doctissimorum & am-
 plissimorū hominum manus peruenerunt,
 non potuerunt illi summā hominis doctrinā, rerum diuinarum
 cognitionē clarissimā, & grauissimū illud argumentum admi-
 rabili carminis suauitate, & dignitate tractatū summoperè nō
 admirari. Eorū enim omniū, quæ vel ab ipso Adamo ad Christi
 D. N. postremū vsq; iudiciū, in sacris libris ad nostrā salutem
 necessaria habentur, seriē & summā, tanta certitudine & fa-
 cilitate cōplectitur, vt à nemine vnquā tanto splendore ac do-
 ctina, atq; à præstantissimo hoc viro tractatam esse mihi suis
 verbis sint testati. Pleriq; tamen ex iis nō potuerunt suū animi
 dolorē ita continere, quin eum quoq; mihi patefacerent. Vide-
 bant quippe homines sapiētissimi, fore, vt sancti illius argumēti
 tractatio, eaq; non solum vtilis & iucunda, verū etiā omni
 literatorū generi planè necessaria, propter rerū quæ in ea con-
 tinentur, celsitudinē, non à quouis ita faciliē intelligeretur: Do-
 ctū enim (aiebant) piū, & valde attentū, beneq; in sacris libris
 et pietate exercitatū lectorē ea desiderat. Quod cū animad-
 uerterē, nec possem, pro eo quo me esse sentio erga rē literariam
 propenso animo, studiosorū, atq; etiam clarissimorū hominū,
 quos dixi, honestissimo desiderio nō satisfacere; operapretiū me
 facturū existimaui, si vnus & septuaginta illarū odarū, quibus
 humana salutis mysteria elegātissimē descripta sunt, argumē-
 ta, & sensum, breuibus aliquot annotationibus indicarē, & ali-
 quo modo explicarē. Hāc verò prouinciā non ideo suscepi, quòd
 meo ingenio fretus aliquid à me præ cæteris præstari putem; sed
 quia nō dubito quin plerisq; in locis, qui multorū sentētia dif-
 ficultate carere non videntur, mentem ac sensum auctoris, quo
 qui-

quidē, pro ea qua præditus est morū facilitate, familiariter v-
tor, non sim affecutus. Hisce igitur laboribus, lector, frui: &
si quid, quo tua studia promoueri posse existimes, hic à nobis
præstitū esse cognoueris, Deo sapientissimo, ad cuius gloriā om-
nia sunt referenda, totam laudem & honorem tribue. Vale
Antuerpia, Calend. Augusti. c l o. I o. l x x i.

D V P L E X in hoc libro continetur monumentorū genus:
V N V M est planè Architectonicū, constans picturis & ima-
ginibus locorū, personarum ac rerū gestarum: hoc Architecto-
rū orationibus illustratur, quarū triplex in vniuersum ratio est;
aut enim summū totius depictæ rei argumentū describitur, &
ea doctrina pars, quā didascalicā vocant, vsurpatur; cuius ge-
neris orationes inscriptiones dicuntur: quibus vel virtus vel vi-
tū illius imaginis contēplatione annotatur: aut persona vel rei
gestæ auctoritas indicatur, eaq; per dedicationes exponi solet.
aut vsus aliquis capiendus ex ipsius operis inspectione spectatori
proponitur, idq; plerūque disticho aut monosticho, vel aliās
breui epigrammate expeditur. Totum autē hoc dicendi genus
breue, graue, significantissimum atq; antiquitatis plenum esse
debet, neq; cū poëtico, aut oratorio, aut comico, aut historico
stylo conuenire: sed suis numeris & definitionibus, hoc est,
Architectonicis constare, aliās ieiunum, & frigidum, languēsq;
futurum. id quod nemo plenè assequi imitariue feliciter potest
qui Architecturæ artis peritus non sit.

A L T E R V M verò genus est Poëticiū, quod non imagini-
bus, vt illud alterū, sed verbis rē omnem depingit, atq; ea etiā
spectanda legentiū sensibus proponit & describit, quæ nullo pi-
cturæ artificio effingi possunt, vt sunt voces, orationes, animorū
corporūq; motus omnes, & cogitationum studiorumq; formæ.
Vtrunque hoc in libro ita ad amūssim expressum est genus, vt
obseruata pietatis & religionis sanctimonia ac dignitate, nihil
desiderari possit, quod vel ad Architectonicam grauitatem, vel
ad poëticam elegantiam, & sententiarum ponderosam pleni-
tudinem faciat. Hæc antequam explicationem aggredimur,
admonitionis causa indicanda duximus.

T A B V L A I I.

A R G V M E N T V M.

Vera sapientiæ rudimenta.] Christû Dei sapientiam Paulus appellat, 1. Cor. 1. 24. Idẽ etiam Gal. 3. 24. legem antiquã, cuius minister Moses fuit, pędagogû hominibus ad Christum fuisse dicit.

Inscriptio.

Fideli ministro.] Mosi elogium Dei responso pronuntiatum, Numer. 12. 7.

Ode I I.

Mosi laudes canit, quẽ ab ipso vsque ortu Dei cõsilio delectum, variis per omnem ætatẽ amplitudinis testimoniis ornatum, tandẽ libertatis ducem declaratû, & legislatorem summa auctoritate constitutum fuisse ait.

Nobilis hospes.] Iethro Madiã sacerdos, & vt Chaldeus paraphraestes interpretatur, apud suos magistratû summum gerens.

Præpotens herbis.] Ægyptiorum sapientiã & detestabilem magiam diuina virtute per Mosem superatã indicat, vtrò confessis Ægyptiis ipsis, & quamuis inuitis, tamen ob pœnarum sensum cedentibus, Exod. 8.

Numinis pure.] Lex sancta est, Deoq. grata; hominib⁹ vero, dũ peccati impotentia imperat, propter maledictionẽ & damnationẽ horribilis est, Rom. 7. & pluribus in locis.

Obstupen. clarus honore.] Gloriã & auctoritatẽ ex Dei colloquio Mosi additam indicat, Exod. 34. 21. 2. Cor. 3. 7.

Tabula I I I. Argumentum.

Ambitio ærumnosa.] Prima cogitatio, qua parentes olim ad crimẽ admittendũ inducti sunt, gloriæ cupiditas erat, unde inobedientia nata, ex qua scelus susceptum, hinc mors cũ miseriis omnibus consecuta. dehortatur igitur ab ambitione tabellæ argumentum.

Inscrip.

Fraudis expoliatrix.] Non virtute, sed fraude illa hominũ ruina parata est, ab antiquo serpente mendacij patre, quẽ ab initio mendacem fuisse Christus docet, Ioan. 8. 24.

Ode I I I.

Grauiissimorũ dolorũ, ærumnarum, mortis, malorumq. omniũ originẽ primã feminæ adscribit, quæ à serpẽte se-

ducta, virum suū ad cōmunē crimē pellexit. Causam verò fidei defectionē fuisse ait, quòd vterq. magis serpentis fallaciæ, quàm diuinæ cautioni & prædictioni crediderit. ostendit præterea voluptatis nimium studium stimulos etiā addidisse illis, ad succipiendum crimē, sicut scriptū est: Vidit igitur mulier, quòd bonum esset lignum ad vescendū, & pulchrum oculis, aspectuq. delectabile, 1. Tim. 2. 14.

Tab. I I I I. *Argum.*

Consilium absconditum.] Vt ex morte vita oriretur, atq. ex veteri in nouū Adam homines transformarentur, consilium fuit celatū à generationibus, & seculis, & noui Testamenti tempore reuelatum sanctis, Coloss. 1. 26.

Inscriptio.

Misericordiæ vindici.] Namq. recōciliationis humanę consiliū ex misericordia Dei profectū est, Tit. 3. 4. 1. Ioā. 4. 10.

Ode I I I I.

Indicat consiliū Luciferi in negotio primi hominis à se perditū fuisse, nō tantū humanū genus in suam tyrannidē redigere, sed etiam cū Deo de sapientia velle contēdere. Hoc autē magnum mysteriū est, quod ipse auctor aliās plenius & apertius exponet. Huic verò Luciferi consilio diuinū oraculū opponitur, quo calliditatis illius cōmenta omnia superāda esse præcinūtur, cū summa ipsius doli auctoris perturbatione, & stultitię redargutione ac perniciē.

Tab. V. *Argum.*

Fædus instauratum.] Nā quæ de misericordia erga homines Deus proposuerat, antiquus serpens turbari & irrita reddi curauerat, auctis in vniuersum hominū flagitiis, & mundo ad vastitatem ex diuini iudicij sententia addicto: sed vt propositum Dei maneret, fædus cum Noë rursus est renouatum, vt exponitur, Gen. 9. 9.

Inscriptio.

Misericordiæ memori.] Dicatur Tabula Deo, qui cū iratus fuerit, misericordiæ recordatur, Habac. 3. 4.

Ode v.

Poëtica elegantia describit orbis instauratiōē, ex misericordia Dei irā remittētis, & de æterna ac tēporali humani generis salute cogitantis: ostendit piorum sacrificia Deo gratissima esse. Demonstrat quantā orbi calamitatē homi-

hominum peccata afferant; quantam Dei misericordia rursus salutem.

Renouata certis cursibus, &c.] Namq. tēpora omnia diluuij vna tēpestatis facies nimirū informis hiems & nox tenebat, quā diuina prouidētia in quatuor anni cōmodissima tēpora conuertit, sicut scriptū est: Cūctis diebus terræ, sementis & messis, frigus & æstus, æstas & hiēs, nox & dies nō requiescēt. Gen. 8. 22. atq. hæc ætas iuxta rationē Noë diuinitus præscriptam, ad Abraham vsq. ætatē pertinet.

Tabul. V I. Argum.

Obedientia constans.] Veræ obedientiæ exemplū Abraham proponitur, qui fide instructus nihil omnino laborū detrectauit, in mandatis Dei quamuis difficillimis facessendis. De hoc argum. lege Iacobi Apostoli epist. c. 2.

Inscriptio.

Fidei ductrici.] Quidquid ex fide suscipitur, rectum est, & fallere nō potest, pium suscipientis animum: adest enim Deus fidei virtuti sibi gratissimæ, quā nunquā deserit, quā nusquam non ad optimum exitum perducit, modò fides ipsa viuā sit, qualis in carmine describitur. Huius inscriptionis sententia latè disputatur à Paulo Heb. 10.

Ode V I.

Quem tu diua fides virū.] Fidē viuā non esse otiosam ostendit, sed obedientiæ rationibus & negotiis perpetuò deditā, neq. tātum opera vulgaria præstantē, sed planè heroica, vel diuina potius gesta suscipientē, atq. adeo in omnium rectè faciendū, tū dura & difficilia tolerandi materia, aut exercitatissimā, aut exerceri paratissimā. Est elegans ode, plena argumētis in sacra scriptura obseruatis: alludit ad multas historias diuinorum librorum. lege Hebr. 10.

Superum viribus annula.] Mira, sed verissima amplificatio, quando videmus Iacob fide instructū angeli colluctantis vim sustinuisse, ac tandem superasse, dicentis: Dimitte me, quia ascendit aurora, Genes. 32. 26. Sunt & alia exempla longè etiam hoc illustriora.

Tabul. V I I. Argum.

Fidei testimonium grauius.] Credentis fidem viuā opera testantur, alioqui mortua arguitur fides, nisi per dilectionē operetur. Ostende, inquit Iacobus, fidē tuam sine operibus,

bus, & ego tibi ostendam ex operibus fidem meam, Iacob. 2. 18, itaq. opera fidei testimoniū à Paulo vocātur, Hebr. 11. 39. Atqui maximè erga fidem periculi facti exemplū in Abrahā scriptura statuit, iussu filium sacrificare, & rem tantam indubitanter facessente. Ideo grauissimum testimonium hic appellatur, Gen. 22.

Inscriptio.

Providentiæ consultrici S.

Deus enim obtēperantibus sibi opportunissimè prouidet, quanquā maximis rerū difficultatibus illi, dum obediūt, implicentur. Ita persuaserat sibi Abrahā, cū filio de victima roganti respondit, Dominus prouidebit sibi victimam, fili mi. Lege de hac re Psalmum 90. Qui habitat in adiutorio Altissimi.

Ode VII.

Plurimas difficultates cōmemorat, & grauissimas, quas Abrahæ fides tentata peruicit; illud vnū secum statuens, obediendū esse Deo per omnia, rerūq. exitus illi esse permittendos, qui optimos semper efficere solet. Lege de hac re Psal. 45. Deus noster refugium, Cuius sententiam omnē poëta hoc loco refert. Hoc tēpore pactū salutis cū Abrahamo est confirmatū, cuius argumentū Iacob per quietem postea cognouit, vt in sequenti tabula indicatur.

Tabul. VIII. Argum.

Humana diuinitas.] Videns Iacob mysteriū ecclesiæ, in qua habitaturus erat Deus trinus & vnus, Verè, inquit, terribilis est locus iste, & non est nisi domus Dei, & porta cæli. Cū autē Deus in hominibus inhabitat, homines ipsos deificat. Videte, inquit Ioannes, qualem charitatē dedit nobis pater, vt filij Dei nominemur & sim⁹. 1. Ioā. 3. 1.

Inscriptio.

Dei philanthropiæ.] Tantam dignitatē deificationis nostræ diuino erga homines amoris acceptā referendā esse indicat. In hoc est charitās, inquit Ioānes, non quasi nos dilexerimus Deū, sed quoniā ipse prior dilexit, 1. Ioan. 4. 10.

Argum. Ode VIII.

Omnium promissorū, quæ olim patribus facta fuerāt, de serpētis capite conterendo, de benedictione familiarū terræ in semine Abrahæ, summā quandā iā speciali quodam

dam modo relatā, in illa ostensa Iacobo imagine indicatā fuisse ait. Quandoquidē omnia illud continebant arcānū, Deū, diaboli deleta tyrānide, in hominibus, vt in propria sibiq. sanctificata domo, regnaturū, magnāq. futurā esse spiritū cēlestiū, & hominum amicitia, & familiaritatem. Est hoc magnæ significationis mysterium, de quo poëta aliās plenius soluta oratione differet. Adeò autem excellentis argumenti est, vt celū vsq. ad ipsum Dei thronum penetreret; quamobrem eleganti figurā in ipso amplificationis incremento Ode ipsa finem sibi præscripsit.

Tabul. I X. Argum.

Fides mortij insuperabilis.] Adeò firmus & constans fuit Iacob in diuinis promissionibus integra fide excipiendis, vt nō modò ipsa maxima promissa, quę ad vitā & salutē pertinebant, sed horū promissorum figuras, nēpe terrę Chananæorū possidēdæ pollicitationes, quanquā moribūdus, iā tamen constanter tenuerit, & à longē, vt Paulus ait, salutauerit; filiisq. suis, vt certissimas nō modò expectandas tradiderit, sed ipse etiā regionū & munerū partitione facta, testamēto possidēdas reliquerit. Est enim fides sperandarū substantia rerū, argumentū nō apparentiū. Heb. I I.

Inscriptio.

Deo sapienti doctori.] Futurarū rerum certa cognitio Deo propria est, neq. quisquā, nisi à Deo doctus, quid cuiq. sit futurū, certis rationibus præscriptū prædicere potest. Id probatur in Iacob, qui iā fermē moriēs, singulis filiis suis, ad lectum vocatis, certissimas sortes præcinnuit, à Deo, cui crediderat, edoctus. Sic enim ille præfatus est: Congregamini, & audite filij Iacob, audite Israël patrē vestrum: id est, eū cui virtutē & potentiā Deus cōcessit, audite, Gen. 49. 2. Lege de hoc argumēto secundū cap. lib. Danielis.

Argument. Od. I X.

Cenit quemadmodū Iacob in diuinorū promissorum fide decedens, futuras posteritatis suę res perinde cognouerit, cognitasq. filiis suis prædicens enarrauerit, ac si ipse iā præsens illarū spectator esset, eiusq. fidei & expectationis hæredes reliquerit filios suos, adeò sibi certæ & constantis, vt ob eā rē suū defuncti yita corpus in Chananāā regionē sepulturę causā deferri mādauērit: eo modo po-

steritatē suā præcessurus, atq. corpore & ossibus cōpositis possessionē etiā temporālē illam conseruaturus, & spiritalē animo cū patribus suis versante expectaturus.

Tabulæ x. Argum.

Tyrannis misericordiæ concedens.] Cogitabat Ægyptius tyrannus Israëlitæ perdere, quos Deus ad misericordiæ ostendendæ exemplū comparabat, non potuit tyrannis infringere Dei propositū; immo ipsa vltro insciens, misericordiæ illius ministrā se præbuit, infante Mose educādo, cuius opera salus illa & libertas Israëlitis est allata, cū summa hostiū & tyrannorum perniciē, Hebr. cap. 10. & 11.

Inscriptio.

Prouidentia victrici.] Non potest humana prudētia, quantumvis excogitatis consiliis, diuinæ prouidentiaē instituta impedire. Dixerant Ægyptij aduersus Israëlis populū: Venite, & sapienter opprimamus eum: sed stultam fecit Deus mundi sapientiam, 1. Cor. 1. 20.

Argum. Od. x.

Ostendit nullis consiliis, nullis opibus, nulla deniq. facultate humana posse diuino consilio obsisti; cui nō modò hominū tandem imbecillitas & inscitia cedat, sed naturæ rerū hominibus insuperabiles vltro administræ obsecundent. Poëtice autē omnem rē describit, docēs Chameſis sobolis, id est, Ægyptiorum voluntatem & conatū fuisse, omnes infantes Israëlitarū aquis summersos perdere, atq. ita genus illud delere; tamen Deū effecisse, vt ipsi vltro ex mediis aquis ignem eruerint, hoc est, Mosē, qui seipsos suasq. res omnes tandē esset absumpturus. atque huic rei ministros sese præbuisse Nilum fluuium, & Nili pisces, aliās monstrosos & feros, qui infanti, quominus noceretur, prospexisse videntur.

Tabul. x1. Argum.

Optio incomparabilis.] Optauit Moses magis affligi cū populo Dei, quā temporalis gaudiij habere iucunditatem: sententia est D. Pauli Apostoli, Hebr. c. 11. vers. 25.

Dedicatio.

Sapientia illuminatricī.] Significabat apertē Deus Israëlitis tēpus salutis appropinquare, cū viderent summum virū, & regi Ægyptio gratū Mosē, vindicē iniuriæ, in suæ gentis

gentis hominē illatā, aduersus Ægyptiū sese præbere: sed illi hanc Dei significationē noluerunt intelligere, vt S. Stephanus protomartyr docet, Act. 7. vers. 25.

Ode x I. Argum.

Diuinū erga hominum salutē consilium certum constansq. esse, & sapientissimē procedere ostendit; sed stultitia & culpa hominū ipsorū, de quorū salute agitur, aliquādo retardari aut impediri. Huius rei exemplū statuitur in Mose, qui promissē Israëlitis salutis ministeriū iam meditari inceptorat, cū, relicta illa ambitiosa aulici splendoris conditione, qua ille apud Ægyptios valebat, omnē cogitati sibi de fratrū salute negotij euentū, animo constanti præuisum, experiri statuit; & tandē ingratē ab iis, quibus bene cōsulebat, exceptus, in exiliū voluntariū, adhuc in eodem permanēs proposito, profectus est; humaniusq. est ab alienis hospes quā à suis fuerat vindex susceptus. simul etiā ostendit prouidentia Dei ibi præsentissimā esse, vbi pij viri pietatis colēdę causā durius & angustius agere hominibus putantur. In hac Ode illud tetrastichon est difficilius intellectu. *Illius vires & studium efficax*, &c. sententia est: Illum Israëlitam, qui ereptus fuerat per Mosē à manibus Ægyptij, dixisse aliis Israëlitis quo animo erga se vindicandū, quo robore esset is quem illi non perinde atque oportuerat, exceperunt.

Tabul. x I I. Argum.

Diuinę virtutis specimē.] Ignis ille quē Mosēs vidit, cuius viribus ardens nō vrebatur, diuinę virtutis specimē quoddā & velut typū fuisse ait. Fouet enim diuina virtus pios, modestos atq. se aduenientē excipientes, eosdemq. calore efficientiæ suę animat, sanctosque reddit, & à vulgari & prophana cōsuetudine remotos, vt illo igne totus locus olim calefactus sanctus dictus est. Idē verō ignis superbos & contumaces, atq. sceleratos vi sua exurēs consumit: alterā vim Israëlitę ex Ægypto educti, alteram Ægyptij illorum hostes experti sunt.

Dedicatio.

Misericordię memori.] Nunquam enim Deus propositę à se, & promissę misericordię obliuiscitur, sed opportuno tempore ipsis rebus efficiendis ac præstandis re-

cordatur. Quamobrem frequens mentio in scripturis est misericordiæ memoris, vt apud Habac. cap. 1. vers. 3. & quod Mater illa veritatis canebat: Suscepit Israël puerum suum, recordatus misericordiæ suæ.

Ode xii. Argum.

Inducto colloquio cū Mose velut Angeli alloquentis indicat, diuinæ misericordiæ mysteria maximè quæ ad salutē hominū pertinet, maiora esse quàm vt humana sapientia absq. Dei ipsius doctrina assequi possit. Illa enim cū ex singulari & arcano Dei cōsilio proficiscatur, Deū doctore sui postulant, qui tamen facilis & benignus contingat iis, qui fide, charitate, modestia, & cæteris opportunis virtutibus probatos se discipulos præbeant.

Tabul. xiii. Argum.

Euangelij exemplum.] Quod qui audierunt, credentesque secuti sunt obedientia adhibita, ex antiqui hostis tyrānide liberati sunt: Hæc enim ex Ægypto libertas, illius spiritualis salutis figura fuit.

Dedicatio.

Verbo efficaci.] Diuini verbi virtus in credentium & obedientium salutem, & rursus in aduersariorum perniciem, fatis apertè declarat liberatio ex Ægypto.

Ode xiii. Argum.

Pulcherrimæ exhortationis figura ostēdit Ode publicā & communē totius Israëlitiçi populi libertatē è miserrima seruitutis cōditione, nō solū autem libertatē, sed multarum diuitiarū ab hostibus, verbo Dei victis & expoliatis, abductarum facultatē: simul gratulatur illis nouæ ac iucundioris vitæ vsum, adscribens omnia hæc beneficia diuinæ misericordiæ.

Tabul. xiiii. Argum.

Arcana salutis argumentum.] Illustis illa salus Israëlitis olim facta humanæ salutis mysteria & symbola omnibus suis partibus continebat. Omnia enim, vt Apostolus ait, in figura contingebant illis, 1. Cor. 10. 6.

Dedicatio.

Deo victori.] Fuit enim illud bellū Deo duce gestum aduersus Satanam, eiusque milites Ægyptios, per magnos illos ministros, virtutes Dei, mare, ventos, noctem, nubes,

bes, lucē & tenebras. Sicut Moses dixerat: Dominus Deus vester pugnabit pro vobis, & vos tacebitis, Exod. 14. 14.

Ode xiiii. Argum.

Eiusdē sentētię cū dedicatione est hymn⁹ hic. significat omnē naturā creatā ministrā se prębere Deo, tū ad pios iuuādos & seruādos, tū ad impios vlciscēdos & perden- dos.

Tabul. xv. Argumentum.

Humane infirmitudinis examen. Lex per Moſen lata, sancta quidē illa, & spiritalis, quę virtutis & pietatis cultum ostenderet & exigeret, sed quia non erat scripta in cordibus hominū, nisi in tabulis tantū, accusabat quidē conscientias, & exercebat eas ad pietatē, nō tamē perficiebat: imō magis ostendebat humanā infirmitatem ex naturę antiquo lapsu natā: indicabat autē ex cōsequenti Christū expectandum, qui quod impossibile erat legi, in suorū animis efficeret. Est hoc grauissimū, & magni momēti argumentū: de quo plurima & admiranda disputatio in totis noui testamenti libris est. Lege cap. 8. Epist. ad Rom.

Dedicatio.

Deo, puro, sancto, terribili. Hęc omnia ipsa lex lata, & apparatus ille ignis, caliginis, fumi, tubę sonitus & vocis ē cęlo auditę, deinde motus populo factus declarauere. Lege Epist. ad Hebr. cap. 12.

Ode xv. Argum.

Magnum beneficiū à Deo in homines collatum canit, quōd in tanta iā tenebrarū caligine, & naturalis legis obliuione sese Deus ad colloquiū cum hominibus ineundū demittens, voluntatē suā lege lata declarauerit, & æqui iusti, pietatisq. rationes sanctissimas exposuerit. Idq. magno apparatu & pręsentia suā testante effecit. In fine autē Odę dicitur illā legē interim integrē colendā fuisse, quoad Spiritus sanctus, Christo salutis pōtifice, in corda hominū missus legis optimā obseruationē imperaret, facilemq. redderet semotis illis cærimoniis, quę in illa lege velut vmbra futurę veritatis continebantur.

In Tab. xvi. Argum.

Constantię fructus. Non hęlitandū in Dei promissis, sed summa constantia expectandū esse euentū, docet hęc tabula. Ex magna enim illa hominum multitudine, qui ex

Ægypto

Ægypto deducti fuerant, illi tantum promissam terram ingressi sunt, qui vel constantes initio fuerant, ut Iosue & Chaleb; aut qui postea incredulitatis expertes, totos quadraginta annos perdurauere. Qua de re primū & secundū cap. Deuter. plenè differit: & D. Paulus ad Hebr. c. 3.

Dedicatio.

Fideli Deo.] Impossibile enim est Deo mentiri, aut promissis deesse suis, nisi illi, quibus facta sunt, sibi ipsis desint, Hebr. 2. c. vers. 2.

Oda XVI. Argum.

Docet, non timidis, otiosis, pigris & incredulis, atq. laborū detractoribus diuinorū promissorū euentū vsumque contingere, sed iis qui fide & charitate innixi propositū sibi studiū fortiter percurrunt, summa spe reportandi præmij cōcepta, ex diuinis sermonibus efficacissimis ad animos fideli addendos, quibus omnis difficultas frangatur & superetur. Significat præterea diuinorū beneficiorum, quæ promissionibus continentur, tantam esse dignitatē, amplitudinē, & iucunditatē, ut eos, quibus contigerit, nullius antea acti laboris pœniteat. Exornatur carmen illo miraculo Iordanis fluuij, qui aditum aperuit Israëlitis, terram promissam adeuntibus.

Tab. XVII. Argument.

Pœna matura grauissima,] Deus gētes illas, diutissimè expectatas ad pœnitentiā, tandē rebelles & contumaces grauissimè puniuit, dilato supplicio per quadringētos & amplius annos, donec vel eorū scelera, quæ per pœnitentiam non expiabantur, per contumaciā & assiduitatē complerentur. Fuit prima Iericho huius diuini iudicij tunc testis, quæ omnis corruit & arsit, omnisque cum suis rebus anathemate est damnata.

Dedicatio.

Deo ultori] Qui nō tardat promissa sua, sed patiēter agit, nolens aliquos perire, sed omnes ad pœnitentiam reuerti. Contumacibus autem & proteruis, suamque malitiam mordicus tenentibus, tandem iudicem ultoremque se præbet. Lege Epistolam Iacobi Apostoli cap. 2. vers. 13.

Oda XVII. Argum.

Confirmat, nihil valere humana consilia, aut præsidia, quam-

quamuis maxima & operosissima, aduersus Dei iudicis & ultoris sententiã & virtutẽ, quandoquidẽ sine vllò humano negotio aut labore, nisi tantum sola Dei voluntate, vel maxima hominũ opera ad regnorũ potentiã tuendã comparata, subito euertatur & corruant, vt in Iericho vrbis munitissimæ muris spõte ante Dei populũ corruentibus est manifestũ: qui populus nullã aliam artẽ ad expugnandũ adhibuit, nisi fidem cũ obediẽtia præscripti sibi ambitus vrbis per septẽ dies, & sonitum tubarum & clamorum victoriæ, Hebr. cap. 11. vers. 30.

Tabul. xix. Argum.

Perseuerantiæ exitus.] Non enim qui incipit, hic saluus erit, sed qui perseuerauerit vsq. in finem. Neq. palmam coronamq. refert, nisi qui legitimẽ certarit. qui diuinis in promissis hæsitauerunt, à terræ possessione exclusi sunt: qui verò sese Deo permittẽtes totos crediderunt, & laborum temporumq. molestiã, & impediẽtium hostiũ difficultates pertulerunt; hi terræ Israëlitiç diuidendæ cõpotes fuerunt, Matth. 10. 22. 2. Tim. 2. 5.

Dedicatio.

Deo veraci potenti.] Quidquid Deus ex misericordia promittit, re ipsa suo tẽpore præstat, nullis omnino difficultatibus impeditus. Quamobrẽ misericordia & veritas, frequentissimẽ Deo adscribitur, Psal. 24. 10. Isaia 55. vers. 10.

Oda xix. Argum.

Ostendit, hominũ opes & diuitias, per iniuriã & auaritiã partas vnã cũ dominis suis perire, idq. tantũ prodesse, vt hostibus à Deo vindice missis maioris prædæ materiã suppeditent, cuius rei exemplũ in illã expugnatione gentium, tanta cũ festinatione facta, ostenditur, quorum domus multis diuitiis refertæ, & agri cultissimi Israëlitis in vsum cesserunt, admirantibus diuinorũ promissorum præstantiam & constantiam, & damnantibus patrũ suorũ incredulitatem, qui tantis rebus & diuinæ prouidetiæ beneficiis sua sese culpa priuauerant.

Tabul. xx. Argumentum.

Expectatæ expiationis umbra.] Significat tabula sacerdotia antiqua, cũ sacrificiis, quæ inquinatos ad emundationem carnis (vt Diuus Paulus ait) sanctificabant, nõ sua naturã, sed

sed expectati Christi sacrificij virtute, & significatione valuisse: quam virtutē, velut vmbra corpus, vel lucem referebat totus ille sacrorū ritus, postea presenti iam lumine ipso Christi abolendus. Hoc argumentum per totam Epistolā ad Hebrēos multis et grauibz verbis differitur.

Dedicatio.

Deo clementi placando S.] Magnum beneficiū in illa sacrorum ritū veteri institutione hominibus à Deo exhibitū significat; qui quāuis illis antiquis sacrificiis nunquā placatus est propter ipsorū imbecillitatē ad destruēdum peccati corpus minimē idoneam: tamen prāter externas quotidianorū errorum expiationes, spē etiam illa sui repetitione faciebant, fore aliquādo, vt Deus omnino placaretur, admota illa victima, cuius infinita virtute omnis ille antiquus cultus esset consummandus. Ideoq. antiqui nunquā cessabant offerre, per singulos dies, ex diuino instituto: quod apertē indicabat, Deū esse clementē; & tandem finē irā suā, & illis veteribus laboribus positurum. Alioqui, inquit Paulus, cessassent offerre, Hebr. cap. 10. vers. 2.

Ode xx. Argumentum.

Describit canens, quantū curā Deus adhibuerit Israëliticā vineā colendā & promouēdē, missis variis colonis, prophetis, iudicibus, regibus, & ducibus, quorum singuli suo munere diligēter functi sunt: multi etiā colēdā vineā causa extrema pericula subiere. cāteris autem laboribus cunctis diuturnior & assidua magis dicitur fuisse sacrificiorū cura, quibus populi peccata expiabantur, & humani animi infirmitas & miseria declarabatur, cū professione expectati Messīā, qui summus salutis Pontifex futurus erat. Quē vates enthusiasmo raptus (acsi illo tempore antiquo carmē cōponeret) cupit quā maturrinē venire.

Tab. xxi. Argumentum.

Pœnitentiæ vilitas.] Propositum Davidis exemplū, quantum vera & ex animi incenso studio suscepta pœnitentia impetrare apud Deum possit, apertē ostendit.

Argum. Dedicacionis.

Dei benignitati.] Misericordiā quoq. & benignitatē diuinā erga eos, qui cōcepta clementiā spe ipsum recta pœnitentia

tientia placare student, Davidis exemplo obseruare licet: cui illud etiam ad amplificationē accedit, quòd Deus ipse sponte hominem lapsū suæ ruinæ monet, & ad salutem petendam aduocat.

Ode x x i. Argument.

Docet humana malitia, simulatione, & calliditate homines fortasse alios falli posse; Deū verò nunquam falli, qui prudenti cōsilio vel tergiuersatum peccatorē sua ipsius rogata sententia redarguit, & cōuincit, vt in parabola Dauidi à Nathan proposita ostenditur. Deinde ait, optimum & felicissimū esse, à peccato abstinere omni cura & diligentia; sed si quis ex imbecillitate in peccatū labatur, proximum felicitatis gradum esse, per pœnitentiam placato Deo restitui in gratiā: vt Diuus Ioannes docet, i. Ioan. 2. 1. vnde à Theologis Pœnitentia secūda tabula post naufragium rectè appellatur.

Antiquorum scriptorum tabula.

Argum. Tabul. x x i i.

Simplicitas mūdo fastidita.] Nihil est quod magis deceat pios homines, & populū Dei, quàm integra in rebus agendis, atq. adeò in vita omni simplicitas, qualē Samuel in munere iudicis & prophetæ atq. consulis maximi obeundo seruauit. Sed hanc virtutem mundus superbiæ & fastus amator fastidit, & repellit, regesq. sibi & regium fastum optat; quæ tamen non sine magno sumptu & labore, atq. adeò seruitutis & tyrannidis periculo suscipit.

Argum. Dedicationis.

Optimo Reipub. ministro] Fuit enim Samuel innocentissimi & integerrimi, atq. etiā diligentissimi præsidis exemplū.

Ode x x i i. Argument.

In genere demonstratiuo cōpositum carmen ostendit Samuelē, & integerrimū & facillimum populis iudicem fuisse, qui nullā omnino exceptionem, etiā à vulgo cui fastiditus est, tulerit. fuisse etiā ducem felicissimū, qui Palestinos hostes voto & precibus apud Deū fufis vicerit. Demū eū sacrarum historiarū sui tēporis scriptorē agnoscit.

Argument. Tabul. x x i i i. de Nathan.

Consiliorum integritas.] Is profectò optimè cōsulere potest; qui nec metu, nec odio, nec gratia à veritatis & decori studio

studio abducitur: huiusmodi cōsultus integerrimus Nathan tempore Dauidis fuit; qui obeam rem in dedicatione Honesti doctor grauissimus appellatur.

Oda XXIII. Argument.

Beatam esse ætatē canit, in qua publicarū rerum præfecti pietatē, innocentiam, & integritatē studiosè colunt: sed quoniā potentia ipsa humana homines aliquādo dementatos ad licentiā traducit; ait regibus & præfectis op-
tandū curandūq. esse, vt sapientes amicos consultosq. habeant, à quibus nec propter gratiam corrumpantur, nec propter agrestē asperitatem, atq. importunam libertatē exacerbentur. Cuiusmodi multi consulti esse solēt. Vtriusque verò rei rectē instituēdæ exemplū in Dauide & Nathan statuit; quorū alter optimus rex fuerat, sed tamē qui vt homo grauiter corruit; alter optimus & integerrimus consilij minister, qui diuinā veritatem liberè & prudenter docuit. Fuit etiam Nathan suorum temporum scriptor.

Argum. Tab. XXIII.

Diuinæ veritatis argumētum.] Contēplator Dauidē ex puero quondā pastore ouium, deinde propter inuidiā à Saule rege primū exagitatū, atq. omni ferè populo inuisum, postea à principibus gentis suę à familiaribus, atq. ad eodē à propriis filiis vexatū, & tamē omnia tolerantē spe & fide verbi à Deo excepti, demū in regium thronū cū summa tranquillitate & gloriā deductū, in habitu regio carminibus diuinisq. laudibus vacantē: atq. hoc satis validum tibi exemplum fuerit diuinæ virtutis, & efficientiæ erga eos, qui verbis ac promissis Dei credentes iussis obediunt.

Argumentum dedicationis.

Regi fortissimo, integerrimo, pietissimo, vari facundiss. P.] Dauidis regis historia, optimū exemplum fortitudinis in bellicis rebus, pietatis & integritatis in religione colenda, & repub. administrandā proponit: & ab eodē conscripti Psalmi summam sapientiæ, eloquentiæ, & decoris referunt laudem.

Oda XXIII. Argument.

Laudes Dauidis decantat Ode, quē patientissimum iniuriarū, & magni tolerandis rebus aduersis animi fuisse dicit, ultionis minimè cupidū, ad ignoscendum propēsum: constantissimæ erga diuinū verbum fidei, in bello fortissimum,

simum, atq; à pueritia vincēdis periculis & laboribus exercitatū : egregium scriptorē & expositorē diuinæ legis : Sacrorū rituum & ordinum instauratorē : Demum diuinorum & efficacissimorum psalmerum auctorem.

Argumentum Tabule x x v. de Salomone.

Humana sortis mensura gemina.] Omnium rerū, quæ in orbe expetuntur, summa in Salomone cōtinetur, videlicet, sapientia, diuitiæ, opes, potentia, gloria, & voluptas. Atq; in eodem etiam statutum est exemplum magni casus, in quem deueniunt, qui à timore Dei recesserint.

Argum. Dedicationis.

Principi sapientissimo, vitæ mortalis magistro.] Nō modò sapientia & eruditione, sed propria etiam experientia auctus Salomon libros scripsit, quibus omnis humanæ vitæ & recta & peruersa ratio continetur.

Ode x x v. Argum.

Laudatur Salomonis regnū, sapientia, diuitiis, & rerū omniū cognitione, præter cetera vel priora, vel posteriora exempla, præstantissimè felix; tamē illa exceptione imminutum, quod ob feminarum amorem admissō vanorum deorum cultu fuerit obscuratum : & tandem nihil præstantius in vita esse, quàm Dei timor, probatur.

Argum. Tab. x x v i. de Isaia.

Pietatis indefessum studium.] Huius rei exemplū in Isaia statuitur egregiū, qui creditū sibi propheticū munus summa fide, magna pietatis & publicæ salutis cura, vsque ad mortem diligentissimè gessit. Ille suorum temporū scripsit historiam, hoc est, partem librorum Regum.

Argumentum dedicationis.

Diuiinarum rerum indici admirabili.] Nam nullus antiquorum prophetarū de diuinis rebus, de humanæ salutis ratione arcana, de Christo, de omni denique Euangelio plenius & significantius scripsit quàm Isaïas.

Ode x x v i. Argum.

Continet Ode breuē summā rerum in Isaïæ libro scriptarū, laudesq; ipsius prophetæ, à genere, à muneris auctoritate, & actionū dignitate, ab Euāgelij significatione apertissima, à diuina prorsus eloquentia: demū à cōstantia pro diuina veritate supplicij genere grauissimo perferēdo.

Argument. Tabula XXVII. de Hieremia.

Honestæ indolis decursus integer.] Hieremias à Deo ad propheti-
cū munus antè electus quàm natus, religiosè educatus,
magnum fortitudinis & strenuitatis exemplū, omni vitæ &
muneris sui parte exhibuit. Id quod in dedicatione etiam
significatur.

Dedicatio.

Legato, strenuo, forti, & infracto.] Namq. & diligēter & stre-
nuè creditū sibi prophetæ munus gessit, nullis vel minis,
vel laboribus, vel regū & populorū inuidiis perturbatus.

Ode XXVII. Argument.

Quantum possit tenax animi propositum cū fide con-
iunctū, & facere & ferre ac vincere, ostendit Ode laudi-
bus Hieremiæ vatis decantandis. Deinde ostēdit virtuti,
quamvis à propriis ciuibus repulsæ, suum locum ramen,
ex Dei prouidentia, honestissimum apud hostes esse.

Argum. Tabul. XXVIII.

In tempestate subsidium.] Captiuis Iudæ filiis tamen diuino
beneficio Daniel interest, qui prophetiæ munus vtilissi-
mum ad salutis spem magna auctoritate tueatur.

Dedicationis Argum.

Vatiformis. temperantis. exercitatis.] In ferendis aduersis re-
bus fortissimus fuit Daniel, qui captiuus multorū princi-
pū virorū inuidia, vsq. ad varia mortis pericula, labora-
uit. Quantum à vitiis & voluptatibus idem abstinerit,
historia declarat: exercitatissimus autem in publicis re-
bus præcipuè ad pietatem pertinentibus fuit.

Ode XXVIII. Argum.

Docet hæc Ode circa finē ferè antiquorū temporum;
cū minus frequēs prophetiæ munus esset, extitisse Da-
nielē, qui præteritarū, præsentium & futurarū in orbe re-
rum seriē exponeret, eundemq. verorū somniorū inter-
prætem, magnū & certum fuisse significat, & visionū ex-
plicatorē admirabilem: cuius sententias omnes & euen-
tus ipse probauit, & scripta etiam sancta veraque esse
Christus confirmauit.

Argumēt. Tab. XXIX.

Prouidentia instauratrix.] Nihil eorū, quæ diuina prouiden-
tia instituit, imperfectū manet, quamvis magna difficul-
tate

tate impeditū, aut interruptum putetur. Res Iudæorum detritas & profligatas Deus, excitato Esdra, restituit: vt tandem in Iudæa locus pararetur Messiae, salutis auctori propediem venturo.

Dedicatio.

Scribe sapientiss. patri patriæ.] Namq. Esdras religionibus, rebus curatis, legibus sacris instauratis, moribus emēdatis, populoq. per pœnitentiam expiato, diuinam clementiam erga suos mouit, & gratiam reconciliauit.

Oda x x i x. Argument.

Laudes Esdræ decātat Ode, quē gratia apud Barbaros populos, & reges illustrē fuisse dicit, ex diuino videlicet beneficio eundem genere sacerdotali, & munere scribæ præclarū prædicat, atq. officio erga Deū, & patriam, gentemq. suā faciēdo insignē: cuius tempore atq. ad eō præsidio, & opera, Iudæi in patriā restituti, templū denuo constructū, sacra procurata; mores publicē ac priuatē correcti fuerint. Atq. hæcenus de antiquorum seculorum scriptoribus, & de omni vëteris testamenti seriē est actum.

Sequitur sacrosancti Euangelij series ab initio instituta, quæ quatuor scriptoribus grauiſſimis à Spiritu sancto credita est, contextenda.

Tabul. x x x. Argum.

Diuina vocatio.] Efficacissima est in iis qui obtemperant, quos neq. pauperies, nec mors, nec vincula terrent. Huius rei exemplum est Matthæus publicanus, qui & Leui.

Dedicatio.

Euangelij testi fideliss. imo.] Nō solū oculatus testis fuit Matthæus, sed qui testimonium Dei in se habuit, & proprio etiam experimento reddidit.

Oda x x x. Argum.

Doctē & eleganter describit publicanorū, & eorū qui diuitiis cōparandis inhiāt, cupiditatē & studium. Postea cōparatione mutationis magnæ ostendit, quā efficax sit Christi vocatio, & quemadmodū apud Deū facile sit, diuitē à diuitiarum cura reuocatum, ad earundē contempnionem, & potiorem diuitiarum amorem traducere.

Argument. Tab. x x x i. de D. Marco.

Sapientiz compendium.] Breuib. chartis Christianæ virtutis, & totius Euangelij summam complexus est Marcus,

ea tantum ex tota historia contexens, quæ salutis humanæ consequentes rationes spectarent. Huc etiam pertinent, quæ in dedicatione leguntur.

Ode xxxi. Argument.

Deberi Marco laudes ait, quas Alexandria excipies celebret, cui ille, à Petro relictus, Episcopus præfuit, & quas etiã omnis orbis cõmemoret. Laudũ autẽ argumenta indicat, quòd Christianã disciplinam multis laboribus cõlendã, libenter Marcus susceperit, quòd Petro comitẽ sese præbuerit, quòd creditã sibi Ægypti ecclesiã optimẽ fuerit moderatus, quòd Euangeliũ scripserit breue, sed perspicuum, incipiens ab ipso Euangelij initio, hoc est, à Baptismo Ioannis.

Argument. Tab. xxxii. de D. Luca.

Lux expedita.] Quæ alij Euãgelistę breuiter & magna significatione scripsere, Lucas principio altius repetito exposuit, ita vt ipse aliorum contestis, & commentator sit. Quamobrem illo titulo dignissimẽ insignitur, quem dedicatio addit: *Veritatis expositori diserto.*

Ode xxxii. Argum.

Lucam ex magno physico medico, in optimi medicinæ generis professorẽ euasisse, Ode canit, nempe Christo præceptore edoctũ, quãnã sit maxima hominũ egritudo, quæ causa morbi; quo medico, quibus modis & remediis leuari curariq. possint. Eumq. explicati Euangelij auctore commemorat, & gesta Apostolorum scripsisse; cuius libri summa ratio est, diuini spiritus sanctificationis virtutẽ indicare. Demũ Pauli Apostoli comitem, & rerum gestarũ testem, & scriptorem eundem canit.

Argum. Tabul. xxxiii.

Abstruso sapientia.] Diuinam naturã vnicam, personis trinã, consiliis altissimã, actionibus omnipotentem, humanam etiã regenerationẽ admirandis modis Ioãnes Euãgelista, scriptis à se Euãgelio, Epistolis & Apocalypsi tractat: ita vt nullus auctore sacrorum tam altẽ penetranda mysteria chartis exposuerit; ideò penitissimus arcanorum index in dedicatione appellatur.

Ode xxxiii. Argum.

Admiranda Euangelij & ceterorũ Ioannis scriptorum
argu-

argumenta, admiranda etiã verba, non ab humano ingenio aut studio profecta, sed diuino spiritu dictata fuisse asserit Ode, eumq. ex piscatoria humilitate ad illustrissimam conditionem discipuli charissimi, testis integerrimi diuinitatis & humanitatis suæ, item filij & custodis matris suæ à Christo fuisse delectum canit.

Argum. Tabul. xxxiiii.

Felicitis seculi initia.] Aurea noui Testamenti & Euangelij ætas à conceptu & ortu Ioannis Baptistæ inchoata est, vt docet D. Lucas.

Dedicationis Argument.

Deo consuli perpetuo sapientissimo.] Illius enim de humana salute consilium perpetuum fuit, atq. ita sapienter institutum, vt opportuno tempore explicari cœperit.

Ode xxxiiii. Argument.

Tempus illud expectatũ atq. exoptatũ piis omnibus, quod à Deo iterũ humanam naturã alloquente, & renouandam pollicito (vt constat ex Genes. cap. 3. vers. 15.) significatũ est, iam ex eo tẽpore cœpisse indicat poëta, cum Angeli terras, & hominũ colloquia familiarius frequentarẽt. Cuius rei exemplũ editũ est in legatione ad Zachariã per Angelũ delata, quæ hoc loco eleganter narratur; simul et Ioãnis Baptiste animus, mores, virtus, & munus prædicatur, & visionis certa fides populo facta ostẽditur.

Argum. Tabul. xxxv.

Rerum nouandarum exemplũ.] Quod virgo concipiat, virgo pariat Deũ & hominẽ, ex Spiritus sancti opera & Altissimi virtute hæc fiant: exemplũ manifestum est posse renouari humanam naturam, in melioremq. traduci conditionem, idq. à Deo adornari.

Inscriptio.

Deo electori.] Qui humiles exaltat, & nouit eos, quibus magna nomina imponere constituat, vt nõ gloriatur omnis caro, sed ipsi auctori gloria adscribatur.

Ode xxxv. Argument.

Inducit Angeli salutatis orationẽ, & virginis audiẽtis honestatẽ, modestiã prudentiã, ac viuam fidem decantat.

Argum. Tab. xxxvi.

Pietatis concordia.] Qui vera pietate calent, adeò nõ in-

vident aliis magnas dignitatum, & munerum, beneficiorumq. acceptorum à Deo facultates & conditiones, vt studiosissimè gratulentur.

Inscriptio.

Femina sanctissima.] Mariæ, quam beatam dicent omnes generationes, sanctitatem Elisabethæ testimonio celebratam hæc tabula continet.

Oda xxxvi. Argum.

Canit Elisabeth iā ex diuino miraculo grauidā, maiori Spiritus vi auctā fuisse visa virgine Maria, quā Dei matrē agnouit, & beatā prædicauit; quæ summa modestia & honestate, summa fide ac virtute hospitium in se parauerit Deo, idq. non suo tantū, sed infantis in vtero suo contēti sensu comprobatur, cuius lætitia ipsa etiam exultauerit.

Argum. Tab. xxxvii.

Aurora diei nuncia:] Aurora non est ipsa lux, sed à die & sole efficitur, quem præcedit annuntians; sic Ioannes quamuis lucerna ardens esset, non erat ille lux, sed vt testimonium perhiberet de lumine.

Dedicatio.

Deo prospectori.] Magno enim apparatu signorū & miraculorū in conceptu & ortu Ioannis Baptistæ significabat Deus humanæ salutis negotium à se maturari.

Oda xxxvii. Argum.

Genethliacum carmen est, quo Ioannis Baptistæ auctoritas, dignitas, munus, officium, & vitæ genus horridum, & à voluptatibus mūdānis alienum celebratur; idq. eleganti dicendi figura.

Argum. Tab. xxxviii.

Sol iustitiæ exoriens.] Christus orbē in tenebris iacentē illustraturus, virtutis suæ signum ipso ortu suo dedit, luce per noctem illustrante, & Angelis canentibus, pastorebusq. simplicibus ad mirandum spectaculum vocatis.

Dedicatio.

Humanæ sortis susceptori Deo homini.] Qui factus est homo ex semine Dauid, formā serui accipiens, per omne infirmitatis humanæ genus (peccato excepto) tentatus.

Naniæ Argument.

Natura humana mirata nouū genus infantis, agnoscit Deum

Deum in mundū venisse hominē, qui, infirmitatibus ipsius susceptis; renouationem admirandam efficiat.

Argum. Tab. xxxix.

Charitas nihil recusans.] Hanc maximā præstitit Christus, qui exinanivit semetipsum, vltro suscipiens vitæ mortalis labores, & legis seruitutē pro hominibus, quorum salutis causa in mundum venerat. idq. ex dedicatione etiā declaratur: *Principi summo pro reipubl. libertate seruienti.*

Ode xxxix. Argum.

Mirandum esse ait, quod Deus voluerit experiri labores & dolores, quibus humana mortalitas premitur; cum tamen ille optimè cognosceret e cælo, quàm magni illi, & quàm à diuina natura alieni sint. Vnde consequitur, Dei filiū spontè venisse, & suscepisse illam seruitutē, atq. sese legi subdidisse, circūcisione accepta, quæ signum erat adscriptionis in populum Dei; non vt ipse adscriberetur, sed vt homines seruos, quibus similem se præbebat, in gratiā conciliatos, cælesti regnociues adscriberet. Absoluitur Ode significatione nominis à Christo per illam suā summam modestiam & humiliationem reperti.

Argum. Tab. xl.

Gentium lux.] Christus lumē fuit ad reuelationē Gentium, Luc. 2. qui statim vt natus est, magis affulsit cognoscendus.

Dedicatio.

Deo immortalī, hominī vero, regi liberatori.] Indicat significationem munerum à Magis prolatorum.

Ode xl. Argum.

Solē exortū antea videri ab iis, qui in mōtibus versantur, quàm ab iis qui in nebulosis vallibus errant: ita Christi numē & nomē prius cognitū est Gētibus, qui Deū ex naturæ obseruatione verè & simpliciter quærēbāt, quàm à Iudæis, à malitia, ambitione, & cupiditate excæcatis, & à propria veraq. doctrina ob propriam culpam alienatis.

Argum. Tab. xli.

Diuina tutela.] Nihil consilia, studia, commenta, potentia humana nocere possunt iis, quos Deus suscipit seruandos, quosque prouidentia tueretur sua. Lege sententiā distichi huic tabulæ inscripti.

Inscriptio.

Principi optimo pro suis exulanti.] Vt ex figurato figura adimpleretur,

pleretur, sicut scriptum est, Ex Ægypto vocavi filium meum.

Ode XL I. Argument.

Inducit Ode viatorē quendam, qui cū Ioseph de itinere differat, quod institutum videt cū virgine honestissima, & puero mortale vicē superāte. Ille exponit quis sit puer, qualis mater, quis ipse, quò properē, cuius cōsilio, & quā obrem; nimirum Dei consilio se petere Ægyptum, ut ibi asseruet pignus publicæ salutis, resarciturū omnē humanā iacturam abundantissimè tempore à Deo constituto.

Argum. Tab. XL I I.

Gratiarū thesaurus.] In Iesu Christo enim sunt omnes thesauri sapiētiae & sciētiae Dei absconditi. Coloss. 2. vers. 3.

Inscriptio.

Diuitiati emicanti.] Pueri prudentiam, & profundas cogitationes admirati senes illi peritissimi diuinæ naturæ vim interpretari debebant.

Ode XL I I. Argum.

Inducit adstantium & assidentium puero Iesu admirationis plenam orationem, qua planè illa respondentis pueri sapientia diuina esse probatur.

Haecenus lucis exordia & solis in terra orti demonstratio.

Nunc iam deinceps Euangelij series continetur.

Argum. Tab. XL I I I.

Lucis diuinæ coruscatio.] Pœnitentia à Ioāne indicta initiū fuit boni nuntij de hominū publica salute iam orbi allati. Non enim Ioannes erat lux, sed ut testimonium perhiberet de lumine.

Inscriptio.

Salutis nuntio gravissimo.] Magna & planè diuina auctoritate Ioānes præditus fuit, ut præsentē orbis redemptorem testaretur, quem cæteri prophetæ futurum prædixerant.

Ode XL I I I. Argum.

Canit Ode salutis aduenientis testimoniū & præconiū per antiquos vates prædictum, & indicatum à Ioanne secundū Iordanem; idq. in magna & celebri populorū frequentia; ab eodemq. de duplici Euangelij efficientia disertum fuisse: totum deniq. Ioannis officium indicat.

Colonus

Colonus Gentibus impiis vicina iungens prædia. Periphrasis est Galilææ.

Argum. Tab. XLIII.

Modestie ornamentum.] Iesus à Nazareth veniens, nihil de se proficitur magnificentissimū, sed, ut alij, baptismū petit, quo tamen non indigebat. Ea modestia admirando Dei præconio & testimonio ornata est. Id adeò in dedicatione significatur, Christo Dei filio pronuntiato.

Ode XLIII. Argum.

Poëtica elegantia & elegantī veritate describit lætitiā publicam ab omni natura rerum celebratam eo die, quo Christus à Ioanne baptizatus est, ubi Trinitatis personæ apertis argumentis probatæ fuere, & illa profunda charitas Christi ostensa; qui cum in forma Dei esset, formam serui accepit, & per omnia factus est obediens patri & sese minoribus, hoc est, hominibus subdidit.

Argum. Tab. XLV.

Scripturarum utilitas.] Probatissima aduersus impetus diaboli arma verbū Dei est; quamobrem Christus ad doctrinam nostram diabolicas tentationes petitis ex sacra scriptura telis superauit.

Dedicatio.

Christo duci inuictissimo.] Quem præeuntem & docentem atq. adiuuantem qui sequentur & imitabuntur milites, ab aduersario non superabuntur.

Ode XLV. Argum.

Christo victori Angeli accedentes ministrabant, quos omnis prælii commissi, & triumphī per Christum reportati narratores inducit Ode.

Argum. Tab. XLVI.

Naturæ imitanda argumentum.] Vinum ex aqua factum, idque optimum.

Dedicatio.

Christo curatori benigno.] Vbi ille præsens est, nihil desiderari potest, modò commodum opportunumque sit.

Ode XLVI. Argum.

Docet hoc carmen Christum præsentia sua nuptias legitimas a Patre suo institutas ornasse, & significasse etiam amorem suum erga ecclesiam, quam sibi spiritali & ar-

cano matrimonio copulare instituerat; deinde huius rei confirmationem & virtutis Christi signum primum celebrat, aquam in vinum conuersam.

Argum. Tab. XLVII.

Diuina disciplina schola.] Constat magna veritate & simplicissima sapientia à mundi opinionibus aliena; constat etiam discipulis simplicibus, & veri ac boni tantum cupidis. Huc & dedicatio pertinet, *Simplicium doctore optimo.* Vnde Paulus nihil se scire velle nisi Christum aiebat, 1. Corinth. 2.

Oda XLVII. Argum.

Canit Ode Christi doctrinā ex Patris sapientia profectā, duplici virtute præditam, illustrādi & fouendi mollia corda; idq. ex efficacia sua: rursus contundēdi & premēdi atq. obdurandi crassa & terrena pectora, idque ex consequenti euentu; atq. adeò ex ipsorum culpa qui difficiles sese præbent: illis fructum esse vitam, his mortem.

Argum. Tab. XLVIII.

Latissima orbis legatio.] Sicut scriptū est, Quam pulchri super montes pedes annuntiantis, & prædicantis pacem, annuntiantis bonum, prædicantis salutem, Isaia 52.

Dedicatio.

Magni consilij nuntio summo.] Christi titulus hic est, quem Euangelij summum ministrum circumcisioni promissum & datum Paulus appellat, Roman. 15. ille alios salutis annunciandæ causa subdelegauit.

Oda XLVIII. Argum.

Docet opportunā Christi & sollicitā curam mittendi Apostolos, qui salutis nuntiū, cum magnis miraculorum ad confirmationem beneficiis, Gentibus, nimia veritatis audiendæ penuria laborantibus, afferrent: atq. adeò ipsi cum multiplici & graui sui ipsorum incommodo mundum doctrinæ salubris medicamentis curarent, spe præmij non in rebus terrenis, sed cælestibus propositi.

Argum. Tabul. XLI.

Prouidentia certissima.] Ostendit Christus certissimam esse prouidentiam erga eos, qui se doctore ac ducem sequuntur; quibus nihil vnquam deerit eorū quæ necessaria sint, & commoda, tamen superflua non suppedientur.

Dedi-

Dedicatio.

Humana infirmitatis curatori.] Christus enim ipse vltro prospicit vitæ ac necessitati hominum, qui ipsum quærentes petunt. Misereor, inquit, super turba, &c. Marc. 6.

Ode XLIX. Argum.

Expositione miraculi in tanta hominum multitudine, tam exiguo sumptu pascenda, arguit humanam stultitiã, quæ terrena multo labore quærit, cum eadẽ copiosa magis, longeq. suauiora, & iucundiora contingat iis qui spiritualia à Christo petunt.

Argum. Tab. L.

Fidei momentum.] Lazarus suscitatus ex mortuis illustre admodum exemplũ est efficacitatis fidei viuæ; quæ cum confessione sororũ ostēderetur, impetrare potuit à Christo quadriduo iam mortui hominis restitutionem.

Dedicatio.

Vitæ auctori efficacissimo.] Illo miraculo Christus cōfirmavit se esse vitæ spiritualis auctorem, vt in Euangeliiis exponitur.

Ode L. Argum.

Eiusdem sententiæ est Ode cum inscriptione & dedicatione Tabulæ.

Argum. Tabul. LI.

Salutis oblatio.] Vltro nos Deus dilexit; vltro filium suum in mundum misit, vt dissolueret opera diaboli: vltro filius ipse spectandum agnoscendumq. se præbuit.

Dedicatio.

Regi legitimo declarato.] Quem Deus certis signis spectandum per prophetas indicari ac prædici curauerat.

Ode LI. Argum.

Canit lætissimã illam diẽ Ierosolymis illuxisse, qua rex Christus pater futuri seculi, & salutis pontifex urbem ingressus est, agnoscẽdus signis per prophetas prædictis, humilis & mansuetus, non fastu illo mundano regum & principum damnofo & graui. Quibus vulgus vel spe, vel metu, vel leuitate magis aliquando quàm iudicio blanditur & adulatur. Sed Christo turba plaudebat propter memoriã miraculorum & doctrinæ.

Argum.

Argum. Tab. LII.

Celatū antiquis seculis arcanū.] Quod in illa sacrosancta cœna & corporis sui cum hominibus cōmunicatione actum est mysterium antiqua secula nunquam intellexerunt.

Dedicatio.

Dei benignitati admirāde.] Qui filium suum nobis dedit, nō solum ut suam naturam nobis communicaret, sed ut nostram culpam suscipiens lueret atque expiaret.

Ode LII. Argum.

Canit admirandum conuiuium à Christo exhibitum hominibus, sibi etiam desiderio desideratū, in quo prætita olim liberationis ex Ægypto lux ipsa & veritas spiritualis liberationis apparata fuerit miro modo. Perstringit autem multa mysteria de virtute, & efficientia sacrosancti sacramēti corporis & sanguinis Domini, quæ longam desiderant explicationem.

Argum. Tab. LIII.

Publica victima.] Hostiam & oblationem noluisti, corpus autem aptasti mihi: holocausta & pro peccato non tibi placuerunt: tunc dixi, Ecce venio: Hebr. 10.

Dedicatio.

Sacerdoti æternū unctō.] Idē enim fuit victima, idē Sacerdos in æternum secundum ordinem Melchisedech.

Ode LIII. Argum.

Comparat infirmitatē antiquorū sacrificiorum & victimarū ipsarum, cū Christi victima & sacrificio: & Philosophicis, ac Theologicis argumentis ostendit oportuisse Christū pati ad mundi tollenda peccata, quæ illis antiquis seruitutibus destrui non poterant: obiter autem indicat magnum illud mysterium redemptionis, in morte & resurrectione Christi.

Tab. LIII. Argum.

Publici debiti grauitas.] Hāc arguebat illa deprecatio Christi ter repetita.

Dedicatio.

Humane miserie susceptori.] Christus enim miseram illam conditionem hominum ex peccato ortam cum peccatis ipsis in se suscepit, grauissimum quidem onus, sed quod tales postulabat humeros. Isai. 53.

Ode

Ode LIIII. Argum.

Exponit causam illius anxietatis & sudoris sanguinei Christi orantis: quam indicat fuisse peccatorum mundi, tum multitudinem innumeram, tum grauitatem immodicam.

Tab. LV. Argum.

Improbitalis permiffa impotentia.] Furit humana improbitas ubi potestas tenebris facta est, atque in innocentissimum sæuit importunissimè.

Dedicatio.

Agno salutari mirissimo.] Qui coram tondente se obmutuit de salute eorum cogitās, a quibus crudeliter tractabatur. *Isai. 53.*

Ode LV. Argum.

Ferociiores & noxias magis tenebras fuisse ait, quæ tēpore passionis Christi grassatæ sunt, quàm eas quæ ante mundū conditū abyssum occupabāt. illæ priscæ tenebræ, vel nihil, vel abyssum premebant, ex qua orituræ erāt res corporeæ: hæ verò innocentissimum Christum vitæ fontem vexabant.

Tab. LVI. Argum.

Virtus mundo inijsa.] Tantā lucem tenebræ ferre nequeūt, quambrē innocentia à nocentibus, simplicitas & virtus, atque modestia summa ab auaris, ambitiosis & peccatoribus damnatur.

Dedicatio.

Innocenti pro sceleratis deuoto.] Ipse enim sese deuouit patri pro nobis, atq. pro omnibus, etiā iis, à quibus damnabatur, si tamen illi vellent aliquando suū malū agnoscere, & illius beneficio indignos non se præberent.

Ode LVI. Argum.

Ostendit magistros & præfectos ambitione, & suorum commodorum studio excæcatos, non modò ipsos impiè & sceleratè agere, sed reliquo populo magnorum scelerū & iniuriarum auctores esse. Cuius rei exemplum manifestum est in illa Christi damnatione apud pontificem.

Argum. Tab. LVII.

Felicitas repulsa.] Christus in propria venit, & sui eum nō receperunt suo ipsorum magno malo.

Dedicatio.

Agno à lupis leoni obiecto.] Gētibus Christus est traditus Iudæorum læuissimorum dolo. Gentes ferarum instar habuere; atque ita crudeliter à gentibus Pilato & militibus tractatus est.

Ode LVII. *Argum.*

Indignationem continet carmē, aduersus eos, qui beneficentissimum & multis exemplis vtilissimum probatū salutis auctorem Iesum, immanibus modis exceptū, tanquam nocentissimum & execrandum malefactorem tradebant iudici iniquo. Hoc autem indicat humanam peruersitatem, & diuinam bonitatem.

Argum. Tab. LVIII.

Innocentia spectatissima.] Traditus Christus etiā inuidis & suspiciosus tyrānnis, & remissus ad Pilatum testimonium vndequaq; exploratissimæ innocentis, & omni exceptione superioris vitæ refert: ex quo consequitur, eum alienas culpas luere, non suas, quas nullas habebat. idq. in dedicatione significatur.

Humana causa procuratori fortissimo.] Qui nihil probri & contumeliæ, atq. laboris & plagarum non subit, & pertulit hominum causa, quam ut perferret, nulla vel grauissima retardatus est re.

Ode LVIII. *Argum.*

Pilatus iudex metu actus iudicij à se iniquè in Christum exercendi, reum Herodi mittit iudicandum. Herodes nihil dignum inuenit morte in eo, sed curiosè experiri virtutem cupit: cui cū nihil responderet ad illam leuem cupiditatem Iesus fastiditus, magis ob illam integritatem & stultus iudicatus, quàm damnatus, remissus est ad Pilatum; atq. idem apud vtrunque constitutus, admirabili quādam virtute & arcana vtrunque ex inimicis reconciliauit.

Argum. Tab. LIX.

Pacis humana disciplina.] Christus attritus propter peccata nostra, indignationem Dei erga homines iustissimam & grauissimam sua obedientia & innocentia placauit.

Dedicatio.

Ignominia publica susceptori.] Ignominiosum fuit flagellari homi-

hominem sceleratum: summæ verò ignominiaë innocentem pro scelerato plagis affici, has plurimas Christus innocentissimus pro sceleratissimis pertulit.

Ode LIX. Argum.

Conqueritur innocentē ita crudeliter verberari à nocentissimo carnifice, qui nihil commertus fuerit, quam-obrem verberaretur: & interim illis plagis acceptis, sanet alienas noxas, atque adedò in hoc intentus sit, vt vel ipsi tortori suis vulneribus profit.

Argum. Tab. LX.

Humanæ mentis leuitas.] Quæ innocentem, & beneficum, atque omni ex parte vtilem agnitum, manifestario & publico malefactori posthabet.

Dedicatio.

Hæredi aeterno à seruis expulso.] Tântum humana cupiditas & ambitio mali suadet hominibus.

Ode LX. Argum.

Vulgi leuitatem detestatur Ode, qui nullo consilio à bonâ sententiâ in pessimâ mutatur; & viros pios ac probos omnes hortatur, ne vllum sibi honorem in populi ac vulgi opinione constituent, nisi in virtute atque beneficentia, cui coronam nec addere, nec detrachere vulgus potest.

Argum. Tabul. LXI.

Lux inter tenebras.] Qui peccatum nō nouerat, inter peccatores vt execrabilis ducitur, ita tamen, vt in mediis iudicis erroribus, & accusatorum insaniis illius innocentia fuerit testatissimâ.

Dedicatio.

Innocentia pro nocentibus tradita.] Hac enim hostia mundi peccata expianda decreuerat Deus.

Ode LXI. Argum.

Summam Christi potentiam, virtutem, & amplitudinem maximam, ad mortem vsque crucis pro nobis humilem & obedientem, miratur Ode. Describit autem tū dignitatem propriam, tum humilitatem susceptam appositisima antithesi.

Argument. Tabula LXII.

Sacrificium summum.] Antiquorum cultuum & sacrificiorum

rum consummatio : vnam enim offerens hostiam Christus id effecit & impetrauit, quod antiquæ legis sacrificiis impossibile fuerat. Hebr. 10.

Dedicatio.

Sacerdoti maximo pro populo litanti.] Idem enim & efficientissima victima, & gratissimus pontifex fuit, qui Aaronis sacerdotium in æternum Melchisedechi mutauit.

Ode LXII. Argument.

Negotium salutis humanæ decretū à principio mūdi, quod natura ipsa propter infirmitatem efficere nunquam posset, Christus sacerdos Dei filius ex amore proprio, paternaq. gratia præstitit, factus maledictum pro nobis, & subiens tenebras mortis, vt nos educeret in lucem. Hoc arcanum nunquā intellexit Satanas, donec iam ita constitutum fuisset, vt serò sapientem se perturbaret conatū impedire per somnia & terrores vxori Pilati iniectos, sed frustra.

Argum. Tabula LXIII.

Inimicitie composita] In Christi cruce & morte reconciliatus est Deo mundus, qui antea erat inimicus, nisi tamen ipse à reconciliatione sua culpa alienetur.

Dedicatio.

Inferorum expugnatori expoliatori fortissimo.] Mortuus Christus non cessat, sed inferas sedes, quas moriens expugnauerat, petit, & expoliat, redēptis iis qui in illius fide ac spe mortui fuerant.

Ode LXIII. Argum.

Ostendit Ode à virgine matre magnum dolorē ex occisi filij spectaculo acceptum fuisse, nunquam tamē eiusdem resurrecturi fidem, spem, atque expectationem abfuisse. Id autem eleganti similitudine decantat ex rerum natura petita.

Argum. Tabula LXIII.

Humani generis diuitie.] Christi sese ad mortem vsq. demittentis inopia diuites facti sunt, quicunque in ipsius mortem baptizati sunt, 2. Cor. 8.

Dedicatio.

Dedicatio continet epitaphium rerum à Christo susceptarum & præstitarum, dignitatis & efficientiæ illius sum-

summam complectens, atque breui futuræ resurrectionis spem confirmans.

Carminis LXIIII. Argum.

Elegiacum carmen inscriptionis instar habet hoc loco: alloquitur saxum viuum sepulchri vt testem perpetuum futurum mortis, & incorruptionis, ac resurrectionis Christi, atque etiam inimicitarum inter Deū & homines compositarum morte & resurrectione Christi.

Argum. Tab. LXV.

Vita orbi allata.] Christus mortuus est propter scelera nostra, & resurrexit propter iustificationem nostram, Roman. 4.

Dedicatio.

Iesu Christo mundi, mortis, inferorumq; victori potentissimo.] Qui potest gratiam suis impetrare & impertiri vincendi ea, quæ ab illo victa sunt. Ioan. 16.

Ode LXV. Argum.

Canit die resurrectionis Domini naturam omnē exultatione & plausu testatam fuisse, nouam hominibus vitam per Christum deuicta morte allatam.

Tab. LXVI. Argum.

Veritas spectatissima.] Christi resurrectio non potuit non notissima esse tanta copia testium.

Dedicatio.

Christo viuēti perpetuo omnium Domino appellato.] Data est mihi omnis potestas.

Ode LXVI. Argum.

Eleganti similitudine proposita ostendit discipulorum turbatos metu, & consternatos dolore animos ita hæsisse, vt non nisi multis testimoniis & periculis factis, Christi resurrectionem crederent. Magnam verò vtilitatē hominibus aliis ex discipulorum lōga dubitatione allatam probat, quòd nulla iam aliis ratio sit relicta dubitandi. Concludit autem illos fuisse felices qui sensu ipso sæpe certiores facti sunt Christi resurrectionis; sed beatos fore qui non viderint, & crediderint.

Argum. Tab. LXVII.

Emerita gestorum gratia.] Christus obedientia sua vsque ad mortem, & resurrectionis triumpho gratiam emeritus est,

est, quam venerat acquisiturus Ecclesiæ, cuius caput ipse est. ideò in cælum ascendit, vt ad dexteram patris sedens, perpetuum suis regnum cōseruet. Itaque ipse peperit sibi nomen quod est super omne nomen: captiuā duxit captiuitatem, hominibus gratiam à patre suo impetrauit.

Dedicatio.

Christo triumphanti.] Triumphator Christus victa morte cælum ascendit, Ecclesiam suam Spiritus sancti inde mis-
sis muneribus ornaturus.

Ode LXVII. Argum.

Canit Christum ex seruitute, quā factus homo obii-
set, in eam euasisse gloriam, vt humanæ suæ naturæ no-
men & præconium filij Dei publicè celebrandum para-
uerit, simul & diuinos honores hac etiam parte fuerit
promeritus, ita vt caro humana Christi, diuina etiā caro
appelletur. Deinde narrat admirationem discipulis tali
spectaculo factam, & Angelorum testimonium de Chri-
sti auctoritate & maiestate.

Argum. Tab. LXVIII.

Humani generis renouatio.] Spiritu sanctificationis à Chri-
sto immisso, noui homines, nouæq. creaturæ re ipsa fiunt;
quos credentes, & obedientes sibi, tanto honore digna-
tur Deus.

Dedicatio.

Christo regi potentiſſimo, diuſſimo, liberaliſſimo, hominum deificatori.] Ex plenitudine eius accipiunt homines spiritum illum
sanctificationis & adoptionis filiorum, quo charissimi ef-
fecti, filij Dei nominantur, & sunt, 1. Ioan: 3.

Ode LXVIII. Argum.

Canit Ode admirandam illam donorum Spiritus san-
cti distributionem, à Christo ad Patris dexteram sedente
in suos factam, quam antiqui omnes pij vt cunq. præ-
cognitam ipsi etiam optauerāt, & gratulati posteris præ-
cinuerāt futuram. Deinde indicat effectū Spiritus san-
cti in eos, quos penetrat. Postremò hortatur omnes pios
ad huiusmodi dona expetenda, & contento pietatis stu-
dio à Christo impetranda. Nihil enim ille magis cupit,
quàm vt hic ignis, quem venit mittere in terram, accen-
datur, Luc. 12.

Argum.

Argum. Tab. LXIX.

Christi virtutis specimen.] Cuius absentis nomen tantam vim habet, vt in signum veritatis illius sanitas reddatur iis, quos secundum naturam sanari impossibile erat.

Dedicatio.

Christo in perpetuum saluari.] Cuius virtutem perpetuam esse testantur miracula, orbi à discipulis post eius in cælos ascensionem facta. Namq. ille cælestium status non mutatur, aut minuitur; vnde in perpetuum seruare potest accedentes ad Deum per ipsum, Hebr. 7.

Ode LXXIX. Argum.

Docet magnam atque admirandam hominum mutationem, eorum quos diuinus spiritus imbuerit; exemplo Petri, qui non ita pridem ad puellulæ vocem negauerat se nosse Iesum, metu correptus. Idemq. Christo dissuadere volebat mortem pro mûdi salute subeundam: & paulo post tempore in eam fortitudinem euasit, vt humana omnia, quæ vel timeri, vel appeti solent, superauerit, & magna virtute miracula Christi nomine ediderit.

Argum. Tab. LXX.

Christiane simplicitatis victoria.] Saulus exemplum sapientiæ, prudentiæ, contentionisq. humanæ audito Christi mandato superatus, ex lupo agnus redditur.

Dedicatio.

Christo vindici efficacissimo.] Qui molestiam suis exhibitam ipse ita sibi exhiberi, grauemq. esse affirmat, vt vindicaret etiam. Saule, Saule, inquit, quid me persequeris?

Ode LXX. Argum.

Mutationem illam admirandam Pauli ex persecutore Ecclesiæ in propugnatorem canit Ode, ostendens quid impellat error, & studium, & persuasio popularis atque magnatum. Rursus quid possit Christus mutare & efficere, Spiritu sancto immisso in eos, qui sibi obediunt.

Argum. Fabula LXXI.

Humanarum rerum necessarius exitus.] Nullus hominum effugere poterit, quin reddat rationem eorum, quæ fecerit in corpore, siue bonum, siue malum: omnes enim manifestari oportet ante tribunal Christi, 2. Corinth. 5.

Dedicatio.

Christo regi benignissimo, ultorid³ iustissimo.] Qui reddet vnicuique iuxta opera sua. Lege secundum caput Epistolæ ad Romanos.

Ode LXXI. Argument.

Hominum res aliqua ex parte in hoc mundo turbatas certam diem habere ad examinandum, atq. pro iusti iudicij ratione vel præmio, vel supplicio compensandum Ode canit. Qua die nihil optatius piis, nihil impiis minus optatum esse potest; cum aliis virtutis & pietatis cultæ corona, aliis impietatis, & improbitatis exercitæ pœna imponenda sit. Hortatur demum omnes, ut sibi consulant, & brevis vitæ rectè exercitæ spacio magnū æternorum laborum incommodum vitent, magnumque maximorum bonorum compendium faciant.

DIVI.

DIVINI DE HUMANA SALV- TE CONSILII SECVLORVM SE- RIE EXPLICANDI INDEX.

- P** R I M V S - proponitur Moses antiquorum arcanorum explicandorū,
& futura salutis significande vates à Deo constitutus.
- 2 Hic mundi creationem, & hominum ruinam narrat.
 - 3 Initium seculorū omnium, quæ ad humanæ salutis negotium referuntur,
adnotatur ab eo tempore, quo Deus hominum ruinam misertus, salu-
tem adferendam, dignitatemq; amplificandam in se recepit. Hæc est
fœderis promissio.
 - 4 Fœdus malitia hominum ferè interruptum cum Noë instauratur, sicut
scriptum est: Ponam pactum meum tecum.
 - 5 Idem fœdus iam propius & clarius Abrahæ expositum primum voca-
to promittitur. S. S. E. Et benedicam tibi, & magnificabo nomen
tuum.
 - 6 Postea eidem Abrahæ fidei experimentis probato confirmatur. S. S. E.
Benedicentur in semine tuo omnes gentes terræ, Genes. 15.
 - 7 Deinde etiam Iacob dormienti scala per quietem visa admirādo arca-
noq; modo significatur. S. S. E. Benedicentur in te, & in semine tuo
cunctæ tribus terræ, Genes. 28.
 - 8 Iacob moribundus diuinū de humana salute consilium filiis arcano te-
stamento obumbratum significat, & spem fidemq; suam hereditario
præcepto posteris relinquit, Genes. 49.
 - 9 Salutis, & libertatis Israelitarum, quæ humanæ figura expressa futura
erat, dux & procurator natus Moses diuina providentia à periculo
liberatur, Exodi primo.
 - 11 Moses fide antiquarum promissionum fulvus, salutis specimen medita-
tur Aegypto occiso.
 - 12 Deus figuram humanæ salutis edere incipit & moliri in rubo ardenti
Mosi ostensus.
 - 13 Liberati Israëlita ex Aegypto humanam salutem futuram referunt, quæ
iam populo comparato instrui inceperat, ex quo populo salutis Ponti-
fex nasciturus erat.
 - 14 Mare rubrum absolutè salutis figuram obtinuit ex resurrectione mor-
tuum Iesu Christi.
 - 15 Lex in Sina data populi fœdus cum Deo conciliatum probat futurae no-
uæ legis signum.

- 16 Manna in desertum missa admiranda celestis providentiae signum fuit erga eos, qui divinae salutis compotes evasissent.
- 17 Ingressi in promissam terram Israelitica, requiem promissam spirituales certam piis fore significabant.
- 18 Expugnatio hostilium urbium victoriam sanctorum significabat de principibus, & potestatibus, & hostibus omnibus reportandam divina virtute.
- 19 Terra divisio celestis patriae possessionem precendebat.
- 20 Testamenti veteris exercitationes omnes & occupationes, venturum salutis auctorem significatum, expectandum predicabant.
- 21 Unum ex officiis eorum, qui salutem expectant, est poenitentiae studium, legitimum.
- 22 Omnia quae in libris sacrarum historiarum continentur, ad illam veteris testamenti conditionem referuntur, cuius scriptores & prophetas appingere satis fuit. Fuere autem Samuel.
- 23 Nathan.
- 24 David.
Salomon.
- 25 Isaias.
Jeremias.
Daniel.
Esdras.

Atque haecenus antiquorum librorum summa est.
Deinde Evangelij scriptores quatuor sunt, Matthaeus, Marcus, Lucas, & Ioannes, a quibus negotium salutis coeptum, predicatum, & expeditum hoc ordine narratur.

- 34 Praecursor Christi natiuitas annuntiatur Zachariae.
- 35 Deinde nuntius celestis ad Virginem mittitur, matrem futuram Servatoris.
- 36 Virgo in utero gerens Christum, Elizabeth gratulabunda salutat.
- 37 Praecursor nascitur.
- 38 Christus nascitur matre virgine.
- 39 Christus circumciditur.
- 40 Rex Iudeorum pronuntiatus Christus adoratur à Magis.
- 41 Ioseph à Deo monitus migrat in Aegyptum cum puero & matre.
- 42 Christus puer, duodecim annos natus, divinae sapientiae argumenta exhibet.
- 43 Ioannes annunciat Christi praesentiam, preparat animos ad salutis fidem & spem.

- 44 Christus baptizatus à Ioanne declaratur Dei filius voce celitus audita.
- 45 Christus tentatus vincit Satanam, & specimen dat maximæ victoriæ futuræ.
- 46 Initium signorum Iesu Christi in nuptiis.
- 47 Deinde incipit prædicare Euangelium Christus.
- 48 Duodecim à se electos Euangelij prædicatores delegat.
- 49 Testatur miraculo edito se discipulis suis prospicere, & omnibus qui se sequantur.
- 50 Lazari excitatione à mortuis testatur se vitæ auctorem, atque adeo vitam esse ipsam.
- 51 Christus rex indicatur à Deo iuxta vaticinia.
- 52 Christus in cœna seipsum exhibens in cibum spirituale sacramentum mortis suæ instituit, in quo magnum consilium Dei editur, antea celatum hosti antiquo.
- 53 Christus se Patri offert victimam pro mundi delictis.
- 54 Christus orat, commendat se, obedientiamq; suam Patri.
- 55 Christus capitur.
- 56 Damnatur à suis.
- 57 Traditur Gentibus.
- 58 Deducitur ad Herodem.
- 59 Flagellatur.
- 60 Postulatur ad mortem à suis.
- 61 Traditur crucifigendus, innocens pronuntiatus.
- 62 Crucifigitur.
- 63 Deponitur mortuus de cruce.
- 64 Sepelitur. omnia hæc secundum scripturas.
- 65 Resurgit secundum scripturas, victa morte, & inferni regno.
- 66 Conspicitur certissimis testibus.
- 67 Ascendit triumphator in celum.
- 68 Mittit Spiritum sanctum, pignus regni à se obtenti, & suis acquisiti.
- 69 Testantur Apostoli Christi regnum & virtutem miraculis editis, & sapientissimis orationibus.
- 70 Deligitur ex hostibus Christiani nominis senissimus in testem locupletissimum virtutis & veritatis Christi.
- 71 Finis mundi, & scripturarum omnium statuitur in aduentu Christi iudicis.











